

AI 2007

Ilanngussaq 2, oqaasertaliussat

Naalakkersuisut - Suliassa qarfiit 10 - 89

Nr. 1.

Naalakkersuisut piginnaatinnearput kontut pingaarnert akornanni aningaasaliissutinik oqaasertaliussanillu nuussisinnaanermut, kiisalu allaffissornikkut kontut pingaarnepur xx.xx.01-p kiisalu kontup pingaarnepur 20.11.56-p Missingersuutitut iluarsissutit, allaffissorneq, akornanni aningaasaliissutinik nuussisinnaanermut.

Nr. 2.

Naalakkersuisut piginnaatinnearput aningaasartuutissat Namminersornerullutik Oqartussat pigisaanni akisussaaffigisaanniluunniit illorsuarni, sanaartukkani pigisanilluunniit tillinniarnikkut, ikuallannikkut imaluunniit allatut ajutoornikkut il.il. pilersimasut akilernissaannut.

Nr. 3.

Atorunnaarsitsinermut aningaasartuutinik ilanngaaseriikkanik imaqartunik kiffartuunneqarnermut isumaqatigiissusiornissaminnut Naalakkersuisut piginnaatitaapput. Taakku kontut pingaarnepur tulluuttunut tunngasuupput: 64.10.12 Nioqqutissanik pilersuineq, 64.10.14 Ingerlatsinermut isumaqatigiissutit tunisassiorfiit aammalu 64.10.24 Usinik angallassineq.

Nr. 4.

Naalakkersuisut piginnaatinnearput pigisat nalillit Namminersornerullutik Oqartussat pigisaasa 5 mio. kr. ataallugu nalillit tunineqarnissaat pillugit suliassat aalajangiivigisarnissaannut. Pigisat nalillit 1 aamma 5 mio. kr.-it akornanni akillit tunineqarpata Inatsisartut Aningaasaqarnermut Ataatsimiititaliaat ilisimatinneqartassaaq.

Naalakkersuisut Siulittaasuat - Suliassa qarfiit 10-14

Konto pingaarnepur 10.01.22 Qaanaap Kommunianut immikkut ittumik taarsigassarsisitsineq

Kommunip akiliisinnaassuseqarnikkut pisariaqartitaanik aningaasalersuinissamut Qaanaap Kommunianut 2007-mi 7 mio. kr.-inik sinaakkutissat iluanni taarsigassarsisitsinissamut Naalakkersuisut piginnaatinnearput. Taarsigassarsiat u.a. 6 %-imik ernialersorneqassapput Naalakkersuisullu erseqqinnerusumik piumasagaatinik aalajangersaanerat naapertorlugu akilersorneqassallutik. Taarsigassarsiat tamakkiisumik kingusinnerpaamik 1. januar 2009-mi akilernerqarsimassapput.

Ilannugsaq 2, oqaasertaliussat

Taarsigassarsisitsinermut atatillugu taarsigassarsiat ilaasa tamaasaluunniit akilerneqarnissaat sioqqullugu kommunimit naammassineqartussanik Naalakkersuisut piumasaqaatinik erseqqinnerusunik aalajangersaasinnaapput. Piumasaqaatit taamatut ittut ilaatigut tassaasinnaapput siunertanut aalajangersimasunut aningaasat taarsigassarsiat ator neqarnerinut up- pernarsaatinik nassiussinissaq pillugu piumasaqaatit, kommunip aningaasaqarnikkut inis- sisimaneranut pingaaruteqartunik aalajangiinernik aalajangersimasunik kommunip aala- jangiinissaanut imaluunniit aalajangiinnginnissaanut piumasaqaatit aamma anin- gaasaqarnikkut illersorneqarsinnaasumik aqutsinissamik pilersitsinissamut avataaneersumik ikiorserneqarnissaq pillugu kommunip isumaqatigiissuteqarnissaa pillugu piumasaqaatit kiisalu kommunimi illersorneqarsinnaasumik aningaasaqarnikkut ingerlatsinerup pilersin- neqaqqinnissaanut attanneqarnissaanullu piumasaqaatit allat Naalakkersuisunit pisariaqar- tutut isigineqartut

Siunertamut kontumut 10.10.10-mut Naalakkersuisut

Naalakkersuisut piginnaatinneqarput Namminersornerullutik Oqartussani sulisunut peri- aatsip ator neqartup assinga malillugu naalakkersuisunut ilaasortat pikkorissarnerinut ilinni- aqqinnerinullu aningaasartuuteqarnissamut. Aningaasartuutit kontomi pingaarnermi 10.10.10-mi Naalakkersuisut, aningaasaliisutit iluini aningaasartuutigineqassapput.

Kontomut pingaarnermut 14.01.01-imut Sulisoqarnermut Pisortaqarfik, allaffissor- neq

Naalakkersuisut piginnaatinneqarput Aningaasaqarnermut ataatsimiititaliap akuersis- suteqarneratigut Namminersornerullutik Oqartussat qarasaasialerinerneq immikkoortor- taanni naleqassutsinik, tassunga ilanngullugit illutanik il.il. aktiaateqarluni ingerlatseqatigi- iffimmut kommunit aaqqissugaanerannik iluarsaaqqinnissamut naatsorsuutigineqartumut atatillugu pisortat qarasaasiaqarnikkut ataatsimut periaasiata ingerlanneqarneranik isumaginnittussamut pigisat nalingi akiliutigalugit akiliinissamut. Ingerlatseqatigiiffiup piginnittorissavai Namminersornerullutik Oqartussat, KANUKOKA kommunillu nutaat.

Kontomut pingaarnermut 14.02.03-mut Namminersornerullutik Oqartussat suliso- qarnermut akitsuummumut aningaasartuutaat

Naalakkersuisut piginnaatinneqarput kontomit pingaarnermit 14.02.03-mit Namminer- sornerullutik Oqartussat sulisoqarnermut akitsuummumut aningaasartuutaat, aningaasaliis- sutinik ingerlatsinerneq kontunut allanut nuussinissamut.

Aningaasanut Nunanullu allanut Naalakkersuisoq - Suliassaqarfiit 20 –

27

Suliassaqarfimmut 20-imut Aningaasaqarnermut Pisortaqarfik

Naalakkersuisut piginnaatinneqarput Royal Arctic Line A/S-ip umiarsuaataanik sikusior-

Ilangussaq 2, oqaasertaliussat

sinnaasunik, Arina Arctica, Irena Arctica, Nuka Arctica aamma Naja Arctica, piumasaqaatitaqanngitsumik umiarsuit naatsorsuutini nalingisut akilerlugit pisisinnaatitaassallutik pisisussaataitaassallutillu, tassa ingerlatseqatigiiffik suliassamik ingerlatsinissaminut kisermaassisinnaatitaanerminik unioqqutitsissagaluarpat, akilersukkaminik unitsitigaluarpat, nammineq piumassutsiminik pinngitsaalisaalluniluunniit pigisaminik tuniniaatitaagaluarpat, imaluunniit akiliisinnaajunnaartutut nalunaarutigineqarpat, minnerpaamilli akilissavaat umiarsuarsinermut taarsigassarsisitsisarfimmi akiitsut sinnerisut amerlatigisunik. 1. januar 2007-imi akiitsut sinneri 60.897.000 kr.-iupput.

Akisussaaffinnik malinninngitsoornikkut piumasaqaatitaqanngitsumik pisisussaataitaneq atuutilissagaluarpat pisisinnaatitaanermutaaq atapput umiarsuarsinermut taarsigassarsianik Namminersornerullutik Oqartussat akisussaaffinnik ingerlaannartumik tiguisinnaatitaanerat tiguisussaataitanerallu.

Kontumut pingaarnermut 20.05.20-mut Kommunitat ataatsimoortumik tapiissutit Nr. 1.

Meeqqat atuarfianni klassini annerni atuarnermut tapiiffigineqartarnerat pillugu Inatsisartut peqqussutaat nr. 5, 28. oktober 1982-imeersoq naapertorlugu meeqqat atuarfianni atuarnut angajoqqaaminni najugaqartunut ukiumi atuarfiusumi 2006/2007 tapiissutit makku pilersuisullu isertitaasa akileraaruserneqartussat (2005) killingi aalajangiunneqarput. Tapiissutit annerpaamik ukiumut ataatsimut qaammatini 10 tunniunneqartassapput.

Isertitat killissaat 2005

Tapiissutit ukioq atuarfiusoq 2006/07

<u>Isertitat akileraarutillit</u>	<u>Ukiumut tapiissutit</u>	<u>Qaammammut tapiissutit</u>
- 187.329	10.861	1.086,10
187.330 - 209.214	9.251	925,10
209.215 - 232.487	7.741	774,10
232.488 - 254.037	6.296	629,60
254.038 - 277.188	4.878	487,80
277.189 - 300.705	3.525	352,50
300.706 -	0	0

Ukiumut atuarfiusumut 2007/2008-imum tapiissutit pilersuisullu ukiumut 2005-mut isertitaasa akileraaruserneqartussat killingi imaapput:

Ilanngussaq 2, oqaasertaliussat

Isertitat killissaat 2006

Tapiissutit ukioq atuarfiusoq 2007/08

<u>Isertitat akileraarutillit</u>	<u>Ukiumut tapiissutit</u>	<u>Qaammammut tapiissutit</u>
- 190233	11.029	1.102,90
190234 - 212457	9.394	939,40
212458 - 236091	7.861	786,10
236092 - 257975	6.394	639,40
257976 - 281484	4.954	495,40
281485 - 305366	3.580	358,00
305367 -	0	0

Nr. 2.

Aningaasanut Nunanullu allanut Naalakkersuisoq piginnaatinneqarpoq 2007-mi ukiunilu missingersuusiortiusuni 2008-2009-mi kommuninut neriorsuuteqarsinnaanermut 51 mio. kr.-inik atugassiinissamut, taakku kommunit ataatsimoortumik tapiissutit pillugit ukiumoortumik isumaqatigiissutit naapertorlugit misissueqqaarnernut, pilersaarusiornernut kiisalu illoqarfinni aalajangersimasuni eqqakkat aqqutaasa pingaarnertit iluarsarneqarnerannut atorneqarsinnaapput.

Siunertamut kontumut 20.10-imut Siunertat immikkut ittut

Nr. 1.

Naalakkersuisut piginnaatinneqarput Namminersornerullutik Oqartussat akiliisinnaassusiannik taarsigassarsiaannillu allanngortitsinissaminnut, aammalu Namminersornerullutik Oqartussat akiitsuinut akiliisinnaassusiannullu atatillugu aningaasatigut isumaqatigiissuteqarnissaminnut, tamatumani ilanngullugit erniatigut allamiullu aningaasaatigut aaqqissuussinerit. Tamatuma saniatigut Naalakkersuisut piginnaatinneqarput suliatigut aaqqissuussinermik isumaqatigiissuteqarnissamut. Taamatut piginnaatitsinermi siunertarineqarpoq Namminersornerullutik Oqartussat pappialaataannik nalilinnik ingerlatsinissaq, taamaalilluni Namminersornerullutik Oqartussat akiliisinnaassutsiminnik akiitsuminnillu pitsaanerpaamik ernialersuiniassammata.

Naalakkersuisut piginnaatinneqarput Inatsisartut aningaasaqarnermut ataatsimiititaliaat aataavartumik ilisimatitsissuteqarfigisarlugi, Namminersornerullutik Oqartussani akiliisinnaassuseqarnerup nikerarnera il.il. pakkersimaarniarlugit taarsigassarsiniarnissamut.

Taarsigassarsinermut atatillugu Naalakkersuisut pigisat aningaasanik nalillit qularnaveeqqusiussinnaavaat, Namminersornerullutik Oqartussat taarsigassarsineranni isumaqatigiissuteqarnermi atugassaritinneqartut naapertorlugit.

Ilangussaq 2, oqaasertaliussat

Naalakkersuisut taarsigassarsisinnaaneq pillugu maleruagassat erseqqinnerusut aalajanger-sassavaat.

Nr. 2.

Naalakkersuisut POST Greenlandimut qularnaveeqquusiinissamik nalunaaruteqarnerup ator-tiinnarnissaanut piginnaatinneqarput, Kalaallit Nunaanni aningaasanik pilersuinerup isuma-gineqarneranut atatillugu Grønlandsbankenimi 7 mio. kr.-it angullugit sinniilluni tigusisin-naatitaalersitsisumik.

Kontumut pingaarnermut 20.10.11 Ilangaaseereerluni ernianut aningaasartuutit

Naalakkersuisut Nunatta Karsiani ima tigusisinnaatitaanermut piginnaatinneqarput:

Mittarfeqarfiit	60 mio. kr.
Nukissiorfiit	70 mio. kr.
KNR	17,0 mio. kr.

Tigusisinnaatitaanermik atuineq ukiumut 6 %-imik ernialersorneqassaaq. Uninngasuutit ukiumut 1 %-imik ernialersorneqassapput. Erniat ullut ingerlareersut amerlassusivii ukiup ulluinut 360-inut avinneri tunngavigalugit naatsorsorneqartassapput. Tigusat uninngasuutil-luunniit erniaat ullormit ullormut naatsorsorneqartassapput qaammatillu pingasukkuutaar-lugit siumut nalunaarneqartassallutik.

Kontumut pingaarnermut 20.12.12-mut Aningaaseriveqartitsineq

Naalakkersuisut piginnaatinneqarput aningaasanut inatsimmi aningaasaliissutit iluanni ukiumi aningaasaliissuteqarfiusumi taassumalu avataani aningaaseriveqartitsinermi ani-ngaasanillu pilersuinermi ukiumi ataatsimi arlalinniluunniit kiffartuunneqarnissamut isu-maqatigiissuteqarnissamut.

Siunertamut kontumut 24.10-mut Toqqaannartumik akileraarutit

Nr. 1.

Nunamut tamarmut akileraarutip procentia, Inatsisartut inatsisaanni nr. 5, 19. maj 1979-imeersumi § 27, imm. 2 naapertorlugu, aalajangerneqarpoq 2007-mi 11-ussasoq.

Nr. 2.

Nunamut tamarmut immikkut ittumik akileraarutip procentia, Inatsisartut inatsisaanni nr. 5, 19. maj 1979-imeersumi § 29, imm. 2 naapertorlugu, aalajangerneqarpoq 2007-mi 26-ussasoq.

Nr. 3.

Naalakkersuisut piginnaatinneqarput soraarnerussutisiat akileraaruserneqartarneranni mar-loriaammik akileraaruserneqartanninnissamut danskit naalakkersuisuisa nunatsinnilu naa-lakkersuisut isumaqatigiissutaat 21. august 1990-imeersaq, allannngortinneqartorlu tapilius-satut isumaqatigiissutikkut 31. august 1997-imeersukkut, naapertorlugu taartisiaqartitsi-

Ilangussaq 2, oqaasertaliussat

nermut aningaasat akilernerinilu aningaasat danskit naalakkersuisuinut isumaqatigiissutiginnissaannut. Naalakkersuisut piginnaatinneqarput kommunini taartisiassatut aningaasat qanorlu ilinerani akilerneqartarnissaasa, Kalaallit Nunaanni Kommunit Kattuffiannik isumaqatigiinniareernikkut, aalajangersarnissaanut.

Nr. 4.

Tjenestemandinut, KNI-p allangortinneranut atatillugu ingerlatseqatigiiffimmut atukkiunneqartunut, danskit isertitanut akileraartitsisarnerinut atasimasunut aammalu Kalaallit Nunaanni isertitanut akileraartarnermut nuunnerminni akileraarutit peereerlugit akissarsiakinerulersimanerminnik uppenarsaasinnaasunut Kalaallit Nunaanni isertitanut akileraarutitut tamakkiisumik appaanissamut Naalakkersuisut piginnaatinneqarput. Taamatut Kalaallit Nunaanni isertitanut akileraarutininik appaaneq ingerlatseqatigiiffiup pineqartup aningaasalersussavaa.

Kontumut pingaarnermut 24.11.20-mut Akiliutit, akiliilluni aallaaniarneq aalisarnerlu

Naalakkersuisut piginnaatinneqarput aalisarsinnaanermut allagartanik akiliillunilu aallaaniarsinnaanermut akuersissutinik tunniussinermut atatillugu akiliuteqartitsinissaminnut.

Akuersissummut ataatsimut akiliut ukununnga aalajangersarneqarpoq:

Umimmak ataaseq	2.000 kr.
Tuttu ataaseq	1.000 kr.
Puisi ataaseq	500 kr.
Ulluni unnuanilu arfineq marlunni piniagassanut minnernut akuersissut	1.000 kr.
Ulloq ataaseq aalisarneq	75 kr.
Sapaatip akunnerani ataatsimi aalisarneq	200 kr.
Qaammammi ataatsimi aalisarneq	500 kr.

Ilaqtariinnermut Inatsisinillu atortitsinermut Naalakkersuisoq - Suliasaqarfik 30

Kontumut pingaarnermut 30.01.04-mut, Namminersornerullutik Oqartussat illuutaannik asserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit saniatigut ukiup siulianit aningaasaliissutinut immikkoortitanut naapertuuttunik aningaasartuuteqarnissamut Naalakkersuisut piginnaatinneqarput.

Kontumut pingaarnermut 30.10.32-mut Meeqqanut tapiissutit

Meeqqanut tapiissutit pillugit Inatsisartut peqqussutaanni nr. 11-imi, 31. oktober 1996-meersumi § 3 naapertorlugu meeqqanut tapiissutit amerlassusii ukiumi meeqqanut tapiiffis-

Ilanngussaq 2, oqaasertaliussat

sani tamani Aningaasanut inatsisikkut aalajangersarneqartartussaapput isertitat akileraaruteqaataasussat amerlassusii aallaavigalugit, tassa imm. 2-6 naapertorlugu ukiumi isertitaqarfiusumi isertitat ilisimaneqartut kingulliit, aamma isertitanut killisarititaasut Aningaasanut inatsisikkut aalajangersarneqarsimasut naapertorlugit,

Meeqqanut tapiissutit ima aalajangerneqarput isertitat killii ukuusut malillugit:

Isertitat akileraaruteqaatissat 0 - 130.000 kr., ukiumut meeqqat tapisiaat 6.110 kr.

Isertitat akileraaruteqaatissat 130.001 - 180.000 kr., ukiumut meeqqat tapisiaat 4.490 kr.

Isertitat akileraaruteqaatissat 180.001 - 280.000 kr., ukiumut meeqqat tapisiaat 2.870 kr.

Meeqqanut tapiissutit atorunnaartarput isertitat akileraaruteqaatissat 280.000 kr.-it siporaangatigit.

Kontumut pingaarnermut 30.10.34-mut, Meeqqanut akilersuutit meeravissartaarnerlu kiisalu meeqqanut inuusuttunullu illersuisoqartitsisarneq.

Meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaata allangortinneqarneranik Inatsisartut peqqussutaanni nr. 3-mi, 12. juni 1995-imeersumi takuneqarsinnaavoq akilersuutit nalinginnaasut Aningaasanut Inatsimmi aalajangersarneqassasut.

2007-mut akilersuutit nalinginnaasut ima aalajangersarneqarput:

Meeqqamut ataatsimut ukiup affaanut

ingerlaavartumik akilersuutit nalinginnaasut 4.548 kr.

Anaanaasumut akilersuutit erninissaq qaammatinik marlunnik sioqqullugu

qaammammillu ataatsimik kingoqqullugu qaammammut 605 kr.

erninermut atatillugu aningaasartuutitut tapiissutit.

Ataasiartumik tunniunneqartartut 573 kr.

Meeqqap kuisinneranut atatillugu tapiissutit. Ataasiartumik tunniunneqartartut 763 kr.

Meeqqap apersortinneranut imaluunniit

tamatuma assigisaanut atatillugu tapiissutit. Ataasiartumik tunniunneqartartut 3.033 kr.

Kontumut pingaarnermut 30.10.37-mut Nuna tamakkerlugu meeqqanut inuusuttunullu angerlarsimaffiit

Ilaqutariinnermut Inatsisinillu atortitsinnermut Naalackersuisoq piginnaatinneqarpoq kontumip pingaarnermi 30.10.37-mi Nuna tamakkerlugu meeqqanut inuusuttunullu angerlarsimaffiit, atuinerussutit atuinikinnerussutilluunniit ukiup naatsorsuuseriffiusup kingorna ukiumut aningaasanut inatsiseqarfiusumut tulluuttumut nuussinissamut.

Siunertamut kontumut 30.13-imut Innarluutillit

Naalackersuisut kontup pingaarnerp 30.13.03-p aamma 30.13.41-p akornanni aningaasaliissutinik nuussinissamut piginnaatinneqarput.

Ilanngussaq 2, oqaasertaliussat

Konto pingaarnermut 30.13.03-mut, Kalaallit Nunaanni Danmarkimilu innarluutilinik isumaginnineq kiisalu kommuninut misiligummik nuussineq

Naalakkersuisut piginnaatinneqarput aningaasaliissutit utertinneqarsimanngitsut taamaaqataannik immikkoortitsinissamut, taamaalilluni utertitsineq ukiumi aningaasaqarfiusumi tullermi pisinnaaniassammat.

Peqqissutsimut Avatangiisinullu Naalakkersuisoq – Suliassaqarfik 32-33 Suliassaqarfimmu 32-mut, Peqqissutsimut Pisortaqarfik

Naalakkersuisut piginnaatinneqarput napparsimasunik katsorsaarnermi, ilisimatusarnermi, pinaveersaartitsinermi, atortoqarnermi, siunnersorteqarnermi, assartuinermi, nioqqutissanik pisinermi attartornermilu tunngasuni suleqatinik ukiumi arlalinni isumaqatigiissuteqarnissamut.

Kontumut pingaarnermut 32.01.03-mut, Namminersornerullutik Oqartussat illuutaannik asserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit saniatigut ukiup siulianit aningaasaliissutinut immikkoortitanut naapertuuttunik aningaasartuuteqarnissamut Naalakkersuisut piginnaatinneqarput

Siunertamut kontumut 32.10-mut Immikkut ilisimasallit katsorsaallutillu ilinniartitsineri, siunertamut kontumut 32.11-mut Najukkani peqqinnissaqarfiit, nakorsanit sullinneqarneq aamma siunertamut kontumut 32.12-imut Najukkani peqqinnissaqarfiit, kigutit nakorsaannit sullinneqarneq kiisalu kontumut pingaarnermut 32.01.02-mut PAARISA, pinaveersaartitsineq peqqinnissamillu siuarsaaneq

Naalakkersuisut piginnaatinneqarput kontut pingaarnertit ataasiakkaat akornini aningaasaliissutinik nuussisinnaanermut.

Kultureqarnermut, Ilinniartitaanermut Ilisimatusarnermut Ilageeqarnermullu Naalakkersuisoq - Suliassaqarfiit 40 - 45

Kontumut pingaarnermut 40.01.06-imut, Namminersornerullutik oqartussat illuutaannik asserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit saniatigut ukiup siulianit aningaasaliissutinut immikkoortitanut naapertuuttunik aningaasartuuteqarnissamut Naalakkersuisut piginnaatinneqarput.

Siunertamut kontumut 40.12-imut Qaffasinnerusumik ilinniartitaanerit

Naalakkersuisut piginnaatinneqarput aningaasaliissutinik kontut pingaarnerit akornanni allanut nuussisinnaanermut.

Kontumut pingaarnermut 40.14.15 Kultureqarnermut tunngassuteqartunut isumaqatigiissutitigut pisussaaffigalugit tapiissutit

Nr. 1.

Naalakkersuisut piginnaatinneqarput Nordisk Ministerrådip aammalu Namminersornerulutik Oqartussat isumaqatigiissutaat 11. december 1985-imeersoq kiisalu isumaqatigiissummut tapiliussa 8. februar 2002-imeersoq naapertorlugu NAPA-mut aningaasartuutigineqartunik akiliisarnissaminut.

Nr. 2.

Naalakkersuisut piginnaatinneqarput ukiuni pingasuni atuuttumik, aningaasartuutinik Nunat Avannarliit Killiit suleqatigiinnissaminnik isumaqatigiissutaat naapertorlugu aningaasartuutigineqartut akilerneqartarnissaannut.

Kontumut pingaarnermut 40.14.28-mut Dansk Tipstjeneste A/S-ip sinneqartoorutaanit Kalaallit Nunaata pissarsiaanit tapiissutit

Naalakkersuisut piginnaatinneqarput ukiup aningaasanut inatsiseqarfiusup naanerani kontumit pingaarnermi 40.14.51-imi Dansk Tipstjeneste A/S-ip sinneqartoorutaanit Kalaallit Nunaata pissarsiassai, isertitaat aammalu kontumi pingaarnermi matumani aningaasartuutaasimasut assigiinnngissutaannik ukiumi aningaasanut inatsiseqarfimmi tullermi akiliutigeriikkanut matussutissanik imalunniit atugassanngortitanut matussutissanik nuussinissaminut.

Kontumut pingaarnermut 40.14.51-mut Dansk Tipstjeneste A/S-ip sinneqartoorutaanit Kalaallit Nunaata pissarsiassai

Naalakkersuisut piginnaatinneqarput ukiup aningaasanut inatsiseqarfiusup naanerani kontomi pingaarnermi uani isertitat aammalu kontumi pingaarnermi 40.14.28-mi Dansk Tipstjeneste A/S-ip sinneqartoorutaanit Kalaallit Nunaata pissarsiassaanit tapiissutit, aningaasartuutaasimasut assigiinnngissutaannik ukiumi aningaasanut inatsiseqarfimmi tullermi akiliutigeriikkanut matussutissanik imalunniit atugassanngortitanut matussutissanik nuussinissaminut.

Suliassaqarfimmut 45-mut Ilageeqarneq

Naalakkersuisut piginnaatinneqarput kontut pingaarnerit ataasiakkaat akornanni aningaasaliissutinik nuussisinnaanissaminut.

**Aalisarnermut, Piniarnermut Nunalerinermullu Naalakkersuisoq - Suli-
assaqarfiit 50 – 51**

Kontumut pingaarnermut 50.07.16 Tunisinermi akinut tapiissutit, puisit amii

Puisit amiinik tunisisarnerup isumaginissaanut taakkunungalugu tapiissutit allaffissornikkut aqunneqarnerat pillugu Great Greenland A/S-imik kiffartuunneqarnissamik isumaqatigiisuteqarnissamut Naalakkersuisut piginnaatinneqarput. Kiffartuunneqarnissamik isumaqatigiisuteqartoqarsinnaavoq ukiumik ataatsimik sivisussusilerlugu ukiullu marluk angullugit sivitsorneqarsinnaasunngorlugu.

Suliassaqarfimmu 51-imut Inuussutissarsiutinut tapersiisarneq

Nr. 1.

Naalakkersuisut taarsigassarsianik qularnaveeqqusikkanik akiitsunillu akiliisinnaapput, tamatumani malissavaat qularnaveeqqusiinermi piumasaqaataasut imaluunniit Aalisarnermut, piniarnermut nunalerinermullu tapersiisarneq pillugu Inatsisartut inatsisaat nr.10, 12. november 2001-imeersoq naapertorlugu qularnaveeqqusiinermut piumasaqaasiussat, imaluunniit inuussutissarsiutinut tapersiisarnermut malittarisassaasimasut naapertorlugit qularnaveeqqusiussaasunut piumasaqaataasut.

Naalakkersuisut taarsigassarsianik qularnaveeqqusikkanik akilerneqarsimasunik allannortitsisinnaapput, tassa inuussutissarsiutinut tapersiisarnermi taarsigassarsiannortillugit taakunanilu piumasaqaataasut atuuttut naapertorlugit, imaalilluguli inuussutissarsiutinut tapersiisarneq pillugu peqqussummi niuernikkut erniarititaasut annerpaamik Danmarks Nationalbankip erniarititaanit 5 procentpointimik annerpaamik qaffasinnerusinnaasutut aalajangersarlugit.

Nr. 2.

Naalakkersuisut piginnaatinneqarput Aningaasanut inatsimmi aningaasaliissutit aalajangersarneqartut saniatigut kontut pingaarnert 51.07.40-p Taarsigassarsiat ernialersugaanngitsut akilersuutitaqanngitsullu aammalu 51.07.42-p Taarsigassarsiat erniallit, ataanni inuussutissarsiutinut taarsigassarsisitsinissamut, taarsigassarsiat taakku taarsigassarsiareersut akilerneqarnissaannut atorneqassappata, taamaallutillu kontuni pingaarnerni 51.07.40-mi Taarsigassarsiarititat ernialersugaanngitsut akilersuutitaqanngitsullu aammalu 51.07.43-mi Taarsigassarsianut ernialinnut akilersuutit, amerlaqataannik isertitaqarnerussutaallutik.

Nr. 3.

Naalakkersuisut piginnaatinneqarput kinguliini piumasaqaatitalerlugu savaatilinnut 7,0 mio. kr.-it tikillugit qularnaveeqqusiinissamut:

Ilannugsaq 2, oqaasertaliussat

- Qularnaveeqqusiissutit aningaaserivimmi, sparekassemi, Vestnordenfondimi taakkualuunniit akuleriissillugit taarsigassarsianut qularnaveeqqutaasinnaapput. Qularnaveeqqusiissutit taarsigassarsiat allat sivisoqataannut, sivi-sunerpaamik ukiut aappaat avillugu, taarsersugassatut piffissaligaassapput.
- Taarsigassarsiat taamaallaat nioqutissianik imaattunik pisinermut atornerqarsinnaapput: Savanut nerukkaatissanut, naggorissaatinut kalkinullu kiisalu nerukkaatissanik naatitanillu nioqutissiornissamut siaruaruterutissanut.
- Annerpaamik taarsigassarsiat 100 %-iinut qularnaveeqqusiisoqarsinnaavoq. Taarsigassarsiat niuernermi atugassartitatut taarsigassarsiaassapput, taamaattorli 2007-ip naaneranut ukiut aappaat avillugu taarsersugassatut piffissaligaassapput.
- Taarsigassarsianut qularnaveeqqusiissutit piffissami taarsigassarsiat tunniunneqarnerisa nalaanni Kalaallit Nunaanni savaateqarnermik inuusutissarsiorsinnaatitaasunut inunnut suliffeqarfinnullu tunniunneqarsinnaapput.
- Qularnaveeqqusiinissamut piumasaqaataavoq, taarsigassarsinissaq nunalerinermut ilisimasatigut nalileereernikkut aningaasaqarnermullu nalileereernikkut taamaaliornissaq pissusissamisoornersoq nalilerneqartassaaq.
- Qularnaveeqqusiinermi Nunatta karsiata akisussaaffii qaqugumulluunniit akiitsut sinnerisut annertutigissaaq, taarsigassarsiareqqaakkat qularnaveeqquserneqartut annertussusaattut, qularnaveeqqusiinermimi taarsigassarsisumut ernialiusat akiliutillu tamatumunnga ilaatinneqanngimmata.

Kontomut pingaarnermut 51.07.43-mut Taarsigassarsianut ernialinnut akilersuutit

Landskassip 2005-imut naatsorsuutaani 2005-ip naanerani taarsigassarsiarititassat katillugit 247 mio. kruunit tunngavigalugit annaasassat pinngitsoorumallugit immikkoortitsisoqarsimanngilaq. Naalakkersuisut pisinnaatitaapput aningaasat taakkua immikkoortitat ilai tamaasaluunniit isumakkiissallugit taarsigassarsisistinermi nalunaarsuisarnerup nutaap piviusunngortinneranut atatillugu. Aningaasat taakkua killiffimmi naatsorsuutitut nalunaarneqassapput.

Inuusutissarsiornermut Suliffeqarnermut Inuusutissarsiutinullu ilinniartitaanermut Naalakkersuisoq - Suliassaqarfiit 62 – 64

Kontumut pingaarnermut 62.01.03-mut, Namminersornerullutik Oqartussat illuutaannik asserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinnissamut immikkoortinnissaannut kiisalu ukiumi aningaasaliissutit saniatigut ukiup siulianit aningaasaliissutitut immikkoortitanut naapertuuttu-

Ilannugsaq 2, oqaasertaliussat

nik aningaasartuuteqarnissamut Naalakkersuisut piginnaatinneqarput.

Kontumut pingaarnermut 62.02-mut Inuussutissarsiutinut ilinniarfiit

Naalakkersuisut piginnaatinneqarput kontut pingaarnertit ataasiakkaat akornanni aningaasaliissutinik nikitsitsinissamut. Konto pingaarneq 62.02.03, Pikkorissartitsineq piginnaatitsissummut matumunnga ilaatinneqanngilaq.

Kantomut pingaarnermut 62.02.03-mut Pikkorissartitsineq

Nr. 1.

Naalakkersuisut piginnaatinneqarput Aningaasaqarnermut Ataatsimiititaliap akuersisuteqarneratigut kontomi pingaarnermi matumani atuinerussutinik atuinikinnerussutiniluunniit ukiumut aningaasanut inatsiseqarfiusumut tulliuuttumut nuussinissamut, taamaatorli amerlanerpaamik 5.000.000 kr.-inik.

Nr. 2.

Naalakkersuisut piginnaatinneqarput 2007-ip ingerlanerani aningaasanik 2006-imi kater-sukkanik ingerlatanut siunertanullu AEB pillugu inatsimmik 2006-imi atuuttumik maanalu atorunnaartumik tunngavilinnut aningaasartuuteqarnissamut.

Kontumut pingaarnermut 62.03.05-imut Ilinniarnermut atatillugu taarsigassarsianut akilersuutit

Ilinniagaqarnersiutit pillugit Inatsisartut peqqussutaanni nr. 5-imi, 14. november 2004-meersumi § 29 naapertorlugu akileeqqusissummut akiliutit akileeqqusissummut ataatsimut 200 kr.-inut aalajangersarneqarpoq.

Naalakkersuisut pisinnaatitaapput akiligassanik isumakkeerinerit pinngitsoortinnissaannut 3,1 mio. kruunit angullugit immikkoortitsinissamut.

Kontumut pingaarnermut 62.03.06-imut Ilinniagaqarnersiutit meeqqanullu tapit

Ilinniagaqarnersiutit pillugit Inatsisartut peqqussutaanni 5, 14. november 2004-meersumi § 4 imm. 2 naapertorlugu qaammaatikkuutaartumik ilinniarnermut tapiissutit imatut aalajangersarneqarput:

- 2.100 kr.-it Kalaallit Nunaanni ilinniagaqalernissamut piareersaataasumik ilinniartitaanerni ilinniagaqartunut angerlarsimaffimminni najugalinnut imaluunniit ilinniartut ineqarfiini najugalinnut. Kalaallit Nunaanni ilinniagaqartut ilinniartut ineqarfiini najugallit akeqanngitsumik nerisaqartinneqarput ineqartinneqarlutillu. Pisuni ilinniartut ineqarfianni nerinissamut periarfissaqanngitsuni ilinniartut ineqarfiini ilinniartut najugallit qaammammut 1.500 kr.-inik nerisaqarnermut tapeqartinneqarput.
- 2.415 kr.-it inuussutissarsiutinut tunngaviusumik ilinniartitaanerni ilinniartunut angerlarsimaffimminni najugalinnut, sulisitsisumit akissarsiaqartinneqanngitsunut.

Ilanngussaq 2, oqaasertaliussat

- 4.200 kr.-it ilinniagaqalernissamut piareersaataasumik ilinniartitaanerni ilinniagalinnut, angerlarsimaffiup avataani najugaqarnermut taarsiissutaasunik tapiissutisartunut, sulisitsisumiillu akissarsiaqartinneqanngitsunut, taamaattorli imaalillugu ilinniagaqartut ilinniarnerminnut atatillugu akeqanngitsumik nerisaqartinneqartut ineqartinneqartullu taakkununga aningaasanik ilanngaatsinneqartarlutik.
- 4.500 kr.-it Kalaallit Nunaanni ingerlaqqiffiusumik ilinniartitaanerni ilinniagaqartunut, taamaattorli imaalillugu ilinniagaqartut ilinniarnerminnut atatillugu akeqanngitsumik nerisaqartinneqartut ineqartinneqartullu taakkununga aningaasanik ilanngaatsinneqartarlutik.
- 4.600 kr.-it Danmarkimi ilinniagaqalernissamut piareersaataasumik ilinniartitaanerni ingerlaqqiffiusumillu ilinniartitaanerni ilinniagaqartunut, taamaattorli imaalillugu ilinniagaqartut ilinniarnerminnut atatillugu akeqanngitsumik nerisaqartinneqartut ineqartinneqartullu taakkununga aningaasanik ilanngaatsinneqartarlutik.
- 5.125 kr.-it Nunatta Danmarkillu avataani ilinniagaqartunut.

2007-mi ukioq naallugu ilinniagaqarnerstiutit pillugit Inatsisartut peqqussutaata allanngortinneqarneranik Inatsisartut peqqussutaanni nr. 5-imi, 14. november 2004-meersumi 1. augustimi taarserneqartumi § 5 naapertorlugu sulisitsisut lærlinginut akissarsiaqartitsinerannut aningaasartuutitut tapiissutitut ilinniagaqarnerstiutit tunniunneqartut imatut aalajangersarneqarput.

Ilinniarnermi ukiup siulliani lærlinginut kr. 4.370.

Imm. 2 naapertorlugu ilinniartitaanerit assigiinngitsut iluini ukiut tulliini tapiissutit imatut aalajangersarneqarput:

Iffiortoq kr. 492

Mediegrafikeri

Neqaarniaq

Industribogbinder

Pequtinik nutserisoq kr. 701

Grafikeri

Grafikeri naqiterisartog

Saqisoq

Cafeteria- aamma kantineassistenti

Cykel aamma motorcykelmekanikeri

Receptionisti

Hotel aamma turismeassistenti kr. 815

Kontormaskinemekanikeri

Igasog

Ilanngussaq 2, oqaasertaliussat

Elektromekanikeri

IT-ikiorti

Assiliisoq

Umiatsialiortoq

Kigutilerisumut ikiorti

Beklædningsoperatøri

Elektrikeri

kr. 907

Maskinsnedkeri

Beklædningshåndværkeri

Datamekanikeri

Automekanikeri

kr. 951

Lastvogsmekanikeri

Kølemontøri

Entreprenørmaskinemekanikeri

Nunalerutininik iluarsaasartoq

Skibsmontøri

Maskiinalerisoq

Saffiooq

Automatikmekanikeri

kr. 1.087

Elektronikmekanikeri

Radiomekanikeri

Nujalerisoq

Sanasoq

Illunik qalipaasoq

Sti Qalipaasoq Sanaartornermik Ilinniarfik Branchearbejderi

Vvs-montøri

Vvs-ruujorilerisoq

Terminalarbejderi

kr. 1.230

Qammaasoq

Igaffimmi ikiorti

Lagerilerisoq transportarbejderilu

Timmisartuni mekanikeri

HG/TNI Kalaallit Nunaat

kr. 1.607

TNI pisiniarfimmiunngorniaq ulluinnarni nioqqutissanik niuerneq

TNI allaffissorneq (allaffik)

TNI/HG immikkuullarissumik sammivilimmik pisiniartitsisunngorniaq

Ilanngussaq 2, oqaasertaliussat

TNI/HG immikkuullarissumik sammiveqarani pisiniartitsisunnngorniaq
TNI/HG niuertussanngorniaq
Film-, Tv- aamma videomedarbejderi

Økonoma kr. 1.715
Isarualerisoq kr. 1.863

Kontumut pingaarnermut 62.03.10-mut Immikkut tapiissutit, angalanermut aningaasartuutit il.il., Ilinniagaqarnersiuteqartitsivik

Naalakkersuisut ilinniagaqartunut, Namminersornerullutik Oqartussat aqputigalugit Kalaallit Nunaata avataani Danmarkimilu ilinniagaqartussatut tiguneqartunut qaammatikkuutaartumik ilinniarnermut tapiissutit qaffassinnaavaat, qaffaanissaq makkuninnga tunngavilersorneqarpat:

- Nunani allani oqartussaasunit piumasaqaatinik.
- Ilinniarfimmit pineqartumit piumasaqaatinik.
- Illoqarfimmi ilinniarfittut najukkami inuuniarnermi aningaasartuutit immikkut qaffasissuseqarpata.
- Ilinniarnermut tapiissutit nuunneqartarneranni immikkut aningaasartuuteqarpat.

Naalakkersuisut tamatuma saniatigut, ilinniarnermut tapiissutit ilinniarnernut immikkut aaqqissuunneqartunut atasumik atugassarititigut allatigut tunniunneqartarnissaannik aalajangersaasinnaapput, tassunga ilanngullugit Kalaallit Nunaata avataani Danmarkimilu ilinniarnarit.

Kontumut pingaarnermut 62.03.11-mut Immikkut akiliutit, angalanermut aningaasartuutit il.il., SIIP-ip aamma KIIP-ip suliffeqarfiutai

Naalakkersuisut ilinniagaqartunut, Namminersornerullutik Oqartussat aqputigalugit Kalaallit Nunaata avataani Danmarkimilu ilinniagaqartussatut tiguneqartunut qaammatikkuutaartumik ilinniarnermut tapiissutit qaffassinnaavaat, qaffaanissaq makkuninnga tunngavilersorneqarpat:

- Nunani allani oqartussaasunit piumasaqaatinik.
- Ilinniarfimmit pineqartumit piumasaqaatinik.
- Illoqarfimmi ilinniarfittut najukkami inuuniarnermi aningaasartuutit immikkut qaffasissuseqarpata.
- Ilinniarnermut tapiissutit nuunneqartarneranni immikkut aningaasartuuteqarpat.

Naalakkersuisut tamatuma saniatigut, ilinniarnermut tapiissutit ilinniarnernut immikkut aaqqissuunneqartunut atasumik atugassarititigut allatigut tunniunneqartarnissaannik aalajangersaasinnaapput, tassunga ilanngullugit Kalaallit Nunaata avataani Danmarkimilu ilinniarnarit.

Ilanngussaq 2, oqaasertaliussat

Kontumut pingaarnermut 62.04.05-imut Piareersarfiit

Naalakkersuisut piginnaatinneqarput kommunini Piareersarfiit atuutsinneqalernissaannut ingerlanneqarnissaannullu piffissami 2007-2008-mi katillugit 40 mio. kr.-inik killiliussat iluanni Kalaallit Nunaanni kommuninut ukiumi ataatsimi amerlanerusuniluunniit kiffartuunneqarnissamik isumaqatigiissusiorsinnaanissaminnik.

Kontumut pingaarnermut 64.10.06-imut Taarsigassarsianut qularnaveeqqusiissutinik akiliineq

Naalakkersuisut piginnaatinneqarput Takornariaqarnermut aningaasalersuinikkut tapersiisarneq pillugu Inatsisartut inatsisaat qaqugukkulluunniit atuuttoq naapertorlugu, aammalu Nunami inuussutissarsiutinut aningaasalersuinikkut tapersiisarneq pillugu Inatsisartut inatsisaat qaqugukkulluunniit atuuttoq, kiisalu Nunami inuussutissarsiutinut aningaasalersuinikkut tapersiisarneq pillugu Inatsisartut inatsisisigimasaat, kiisalu Takornariaqarnermut aningaasalersuinikkut tapersiisarneq pillugu Inatsisartut inatsisisigimasaat, naapertorlugu, qularnaaveeqqusiisarnerni piunasaqaatigineqarsimasut naapertorlugit taarsigassarsianut qularnaveeqqusiunneqarsimasunik akilerneqanngitsunik akiliinissaminnut.

Kontumut pingaarnermut 64.10.12-mut Nioqqutissanik pilersuineq

Nr. 1.

Tjenestemandinut KNI Pilersuisoq A/S-imi imaluunniit suliffeqarfissuarmut attuumassuteqartumut piginneqatigiiffimmi atorfeqalersimasunut, tjenestemanditut soraarnerussutisiaqarnissap atorunnaarneranut taartissamik piginneqatigiiffiit soraarnerussutisiaqarnissamut sillimmasiisarfiimut namminersortumut sillimmasiissapput. Tjenestemanditut soraarnerussutisiaqarnissamut assinginik tamakkiisumik tunniussisoqarsinnaassanngippat, taava soraarnerussutisiaqarnissamut sillimmasiisarfiup namminersortup tunniussinnaanngisaa piginneqatigiiffiit akilissavaat. Atorfik eqqarsaatigalugu pisussaaffiup tamatuma naammassineqarnissaannut Namminersornerullutik Oqartussat akisussaassapput, aammattaaq soraarnerussutisiaqarnissamut pisussaaffik piviusunngortinneqassagaluarpat taava Namminersornerullutik Oqartussat piginneqatigiiffinnut tamakkiisumik taarsiissussaataapput

Nr. 2.

Naalakkersuisut piginnaatinneqarput nioqqutissanik pilersuineq pillugu kiffartuunneqarnissamik isumaqatigiissummi killissarititaasut pillugit Namminersornerullutik Oqartussat aamma KNI Pilersuisoq A/S-ip imaluunniit ingerlatseqatigiiffiup allap akornanni nutaamik "Kiffartuussineq pillugu killissarititaasunik isumaqatigiissut"-siornissamut. Tamatuma saniatigut Naalakkersuisut piginnaatinneqarput ikummatissanik pilersuineq pillugu kiffartuunneqarnissamik isumaqatigiissummi killissarititaasut pillugit Namminersornerullutik Oqartussat aamma KNI Polaroil A/S-ip akornanni nutaamik "Kiffartuussineq pillugu killissarititaasunik isumaqatigiissut"-siornissamut.

Ilannugsaq 2, oqaasertaliussat

Nr. 3.

Namminersornerullutik Oqartussat aamma KNI Polaroil A/S-ip akornanni "Kiffartuussineq pillugu killissarititaasunik isumaqatigiissut"-eqarnermut atatillugu Naalakkersuisut ukioq ataaseq atuuttussamik ikummatissanik pilersuineq pillugu kiffartuunneqarnissamik isumaqatigiissusiornissamut. Tamatuma saniatigut Naalakkersuisut piginnaatinneqarput nioqqutissanik pilersuineq pillugu KNI Pilersuisoq A/S-imik ingerlatseqatigiiffimmilluunniit alamik ukiuni arlalinni kiffartuunneqarnissamik ingerlaavartumik isumaqatigiissutaasimasup iluarsiiussutissaanik isumaqatigiissuteqarsinnaanissamut.

Piffissamut 2006-2007-imut nioqqutissanik pilersuineq pillugu KNI Pilersuisoq A/S kiffartuunneqarnissamik isumaqatigiissuteqarfigineqarpoq 2006-imut 52,1 mio. kr.-inik 2007-imullu 50,1 mio. kr.-inik akiliuteqartoqarluni.

Konto pingaarnermut 64.10.13-imut, Assassorluni kusanartuliat, sanaalukkat amminillu tunisassiat ineriartortinneqarnerat

2007-imiit 2010-mut aningaasaliissutini Naalakkersuisut piginnaatinneqassapput sanalukkanut tunngassuteqartuni ineriartortitsinissamut ingerlatanut suliffeqarfimmik ataatsimik arlalinnilluunniit ukioq ataaseq ukiulluunniit arlallit kiffartuunneqarnissamik isumaqatigiissusiornissamut. Assersuutigalugu taakkua tassaasinnaapput ilinniartitaanissamut iliuutsit, nioqqutissianik nutaanik ineriartortitsineq ilusilersuisarnerlu kiisalu niuerfissanut nutaanut nittarsaassinissamut iliuutsit.

Kontumut pingaarnermut 64.10.14-imut, Ingerlatsinissamik isumaqatigiissutit, tunisassiorfiit

Nr. 1.

Naalakkersuisut piginnaatinneqarput kiffartuunneqarnermik isumaqatigiissummi killissarititaasut pillugit Namminersornerullutik Oqartussanik aamma ingerlatseqatigiiffimmik ataatsimik arlalinnilluunniit nutaamik "Kiffartuussineq pillugu killissarititaasunik isumaqatigiissut"-siornissamut.

Nr. 2.

Namminersornerullutik Oqartussat aamma ingerlatseqatigiiffiup ataatsip arlallilluunniit akornanni kiffartuunneqarnissamik isumaqatigiissuteqarnermut atatillugu Naalakkersuisut piginnaatinneqarput ingerlatseqatigiiffimmut ingerlatseqatigiiffinnulluunniit ukiumi ataatsimi imaluunniit ukiuni arlalinni kiffartuunneqarnissamik isumaqatigiissusiornissamut.

Kontumut pingaarnermut 64.10.16-imut Aningaasalersuinikkut tapersiisarneq

Nr. 1.

Naalakkersuisut piginnaatinneqarput 2007-mi nunami inuussutissarsiutitigut aallarnisaasunut kinguaariinnullu tullernut tunniussisoqartillugu ajornartorsiortoqarneranut atatillugu taarsigassarsisoqarnerani aamma takornariartitsinermik inuussutissarsiuteqartunut katillugit annerpaamik 30.000.000 kr.-inut qularnaveeqqusiinissaminnut.

Ilanngussaq 2, oqaasertaliussat

Nr. 2.

Takornariartitsinikkut aallarnisaasunut tapersiissutit tassaapput aningaasaliissutit ilanngaaseriikkat, aammalu tapiissutit qularnaveeqqutitulluunniit atorneqartassallutik. Takornariartitsinermik inuussutissarsiuteqartunut aningaasalersuinikkut tapersiisarneq pillugu Inatsisartut inatsisigisimasaat naapertorlugu taarsigassarsiarititaasimasut erniaannik aki-liutitaannillu aningaasaliissutit ilanngaaseriikkat iluanni atuinissaminnut Naalackersuisut piginnaatitaapput.

Nr. 3.

Naalackersuisut piginnaatinneqarput aqutsinermut ingerlatseqatigiiffinnut qassiinut, asser-suutigalugu Greenland Venture A/S-imut aamma Grønlands Turist- & Erhvervsråd (Greenland Tourism A/S-imut), Takornariaqarnermik inuussutissarsiutitigut nunamilu inuussutissarsiutitigut siuarsaanermut Inatsisartut inatsisaat naapertorlugu suliassaalersimasut pia-reersarneqarnerinut allaffissornikkullu malitseqartinneqarnerinut tunngassuteqartutigut kif-fartuunneqarnissamik isumaqatigiissusiornissaminnut. Kiffartuunneqarnissamik isumaqatigiissutit ukiumut ataatsimut qassiinulluunniit atuussinnaapput.

Nr. 4.

Naalackersuisut pisinnaatitaapput aningaasalliissutit iluanni immikkut angallassinermut tapiissuteqarnissamut maleruagassiussallutik tamatumani ilanngullugu nioqqutissat immikkut toqqakkat timmisartumik angallattarnissaat tamanna nunanut allanut niuernermit inuussutissarsiorterullu ineriartortinneranut iluaqutaasutut isigineqarpat.

Nr. 5.

Inuussutissarsiutinik siuarsaanissamut aningaasaliissutissanut Nukiit-nut qinnuteqaatit nalilersorneqarneranni pilersaarutillu akuerineqarnissaat eqqarsaatigalugit Naalackersuisut piunasaqaateqarsinnaapput, pilersaarutit siunissaq ungasinnerusoq eqqarsaatigalugu periarfissai eqqarsaatigalugit. 2008 ilanngullugu ukiuni arlalikkaartunik tapiissuteqartoqarsinnaavoq.

Nr. 6.

Naalackersuisut IT-mut tunngasut iluini Teknologii-mut tapiissutissatut immikkoortitanit qinnuteqaatinik naliliinerminni suliassat siunissami periarfissartaat eqqarsaatigalugit suliassanik akuersinerminnut atatillugu piunasaqaateqarsinnaapput. 2009 ilanngullugu ukiunut arlalinnut tapiissuteqartoqarsinnaavoq.

Kontumut pingaarnermut 64.10.17-imut Nunami inuussutissarsiutinik ineriartortitsinermut tapersiisarneq

Nr. 1.

Naalakkersuisut piginnaatinneqarput allaffissornikkut aqutsinermi ingerlatseqatigiiffimmik ataatsimik arlalinnilluunniit siunnersuisarneq, paasissutissiisarnermik suliaqarneq, nunap immikkoortuini najukkanilu ataasiakkaani inuussutissarsiutinik ineriartortitsinermut ikiuutarneq pillugit kiffartuussinissamut isumaqatigiissuteqarnissaminnut assersuutigalugu Grønlands Turist- og Erhvervsråd - Greenland Tourism A/S-imut imaluunniit Greenland Venture A/S-imut taamatullu 2007-mi suliassat suliarineqarnissaannut pilersaarutit aalajangersimasut pillugit isumaqatigiissuteqarnissaminnut. Kiffartuussinissamik isumaqatigiissutit ukiumut ataatsimut arlalinnilluunniit atuussinnaapput, suliassanut pilersaarutit ukiumut ataatsimut.

Nr. 2.

Naalakkersuisut piginnaatinneqarput siunnersuisartut, allaffissornikkut ingerlatsiviit ingerlatseqatigiiffiinut, ass. Greenland Venture A/S, ataatsimut arlalinnilluunniit ukiumi ataatsimi arlalinnilluunniit kiffartuussinissamut isumaqatigiissuteqartarnissaminnut, assersuutigalugu allamiut aningaasalersuinerneq aaqquissuussineri suliassaqaqarfinnut arlalippassuarneq sammisitat assersuutigalugu Northern Periphery Programme (NPP), EU-p aaqquissuussineri imaluunniit nunat avannarliit aaqquissuussineri Kalaallit Nunaata pissarsiffigisinnaasai aqutitigalugit neqeroorutigineqartut pillugit paasissutissiisarnermik attaveqarnissamilluunniit suliassat suliarineqarnissaannut.

Kontumut pingaarnermut 64.10.20-mut Inuussutissarsiutinik siuarsaaniarluni suliassat atuisunit ingerlanneqartut

Naalakkersuisut piginnaatinneqarput sulissutigineqartut suliassatulluunniit pilersaarutit konto pingaarnermut ilaasut naammassineqarnissaannut allaffissornikkut aqutsinermi ingerlatseqatigiiffimmik ataatsimik arlalinnilluunniit, qitiusumik ilinniarfinnik imaluunniit suliffeqarfinnik namminersortunik kiffartuussinissamik imaluunniit angusat tunngavigalugit isumaqatigiissuteqarnissaminnut. Isumaqatigiissutit ukiumut ataatsimut arlalinnilluunniit atuuttuusinnaapput.

Naalakkersuisut piginnaatinneqarput ukiumi aningaasaliiviusumi ukiunilu missingersuusi-orfiusumi 2008-mi immikkoortunut pilersaarutit isumaqatigiissutigineqarsimatillugit aningaasaliissutinut killiliussat iluanni isumaqatigiissuteqarnissaminnut.

Kontumut pingaarnermut 64.10.22-mut, Kalaallit Nunaannit imermik sikumillu avammut tuniniaaneq

Naalakkersuisut piginnaatinneqarput piffissami 2007 - 2008-mi katillugit 9,0 mio. kr.-it killiliussat iluini missingersuutissatut siunnersuummi allaaserineqartut ukiumi aningaasaliiffiusumi taassumalu avataani suliaassanik suliarinninnissaq pillugu suleqatinik isumaqatigiissuteqarnissamut.

Kotomut pingaarnermut 64.10.23-mut, Ataavartumik nukissiuuteqalernissamut ilisimatusarnissamut ineriartortitsinissamullu pilersaarutit

Naalakkersuisut piginnaatinneqarput ukiumi aningaasaliiffiusumi ukiunilu missingersuusiorfiusuni 2008-2010 aningaasanut killissarititaasut iluanni kiffartuussinissamik imalunniit anguniagassat pillugit isumaqatigiissuteqarnissaminnut ukiumi ataatsimi ukiuniluunniit arlalinni atuuttussamik. Tassanissaaq eqqarsaatigineqarput ilisimatusarfinnik namminersortunilluunniit isumaqatigiissuteqarsinnaanerit. Kiffartuussinissamik aammalu anguniagassat pillugit isumaqatigiissutit ukiuni arlalinni atuuttussat ukiukkaartumik aaqinneqartarsinnaapput, tamanna pilersaarutit ineriartornerat eqqarsaatigalugu pisariaqartinneqassappat.

Kontumut pingaarnermut 64.10.24-mut Usinik angallassineq

Nr. 1.

Naalakkersuisut piginnaatinneqarput kiffartuunneqarnermik isumaqatigiissummi killissarititaasut pillugit Namminersorerullutik Oqartussanik aamma ingerlatseqatigiiffimmik ataatsimik arlalinnilluunniit nutaamik "Kiffartuussineq pillugu killissarititaasunik isumaqatigiissut"-siornissamut.

Nr. 2.

Namminersorerullutik Oqartussat aamma ingerlatseqatigiiffiup ataatsip arlallilluunniit akornanni kiffartuunneqarnissamik isumaqatigiissuteqarnermut atatillugu Naalakkersuisut piginnaatinneqarput ingerlatseqatigiiffimmut ingerlatseqatigiiffinnilluunniit ukiumi ataatsimi imaluunniit ukiuni arlalinni kiffartuunneqarnissamik isumaqatigiissusiornissamut.

Kontumut pingaarnermut 64.12.02-mut Nukissiorfiit

Nr. 1.

Kiassaateqarfiit Inissiaatileqatigiiffimmit INI A/S-imit tiguneqarsinnaaneritut atasumik Nukissiorfiit piffissami ikaarsaariarfimmi suliffeqarfiup tunisinermut tunniussinermullu atugassaritaanit allaasunik periuseqarsinnaapput kiassaateqarfiillu Nukissiorfinnit tiguneqarneri sioqqullugit periutsit atuuttut malillugit kiassarnermut akit (appasinnerusumik) akilersittarsinnaallugit.

Nr. 2.

Ingerlatsinermut aningaasaliissutinut tunngatillugu naatsorsuusiornikkut nikingasoornerit Nukissiorfinnut immikkoortinneqassapput. Immikkoortitsinertigut katersat, Naalakkersui-

Ilannugsaq 2, oqaasertaliussat

sunut saqqummiuneqareerpata, ilaatigut aningaasalersuinikkut siunertanut atorneqarsinnaassapput. Oqaasertaliussat atorneqarnerat pillugit Aningaasaqarnermut ataatsimiititaliaq ilisimatinneqartassaaq.

Nr. 3.

Naalakkersuisut piginnaatitaapput ukiuni 2006-2009-mi aningaasaliissutinut killiliussat iluini innaallagissap, erngup kiaallu assigiimmik akeqartitaanerata allannortinnissaanut atatillugu ikaarsaariutitut aaqqissuussinernut taarsiissutinulluunniit atuinissamut.

Ikaarsaariarnermi aqqissuussinerit taarsiissutillu innaallagissap, erngup ungasianillu kiassagaanerup assigiimmik akeqartitaanerannut tunngassapput periuseq tunngaviusoq manna aallaavigalugu:

- Aalisakkanik suliffissuit innaallagissamut imermullu sumiiffimmi aningaasartuutit assigiit pingajorarterutaat akilissavaat illoqarfinni nunaqarfinnilu ataasiakkaani tamani. Aalisakkanik suliffissuit nutaamik aningaasaliinerni aningaasaliinernut akileeqataassapput.
- Illoqarfinni nunaqarfinnilu atuisut allat sumiiffimmi innaallagissamut imermullu aningaasartuutit assigiit akilissavaat illoqarfinni nunaqarfinnilu tamani.
- Kiassarnermut akigititat nuna tamakkerlugu assigiittuassapput nukissamulli inuiaqatigiillu aningaasaqarnerannut tunngatillugu appasinnerullutik.

Aalisakkanik suliffissuarnut tunngatillugu aaqqiinermut taarsiissutissat ikaarsaariarnermilu aaqqiinerit makkua ilaassapput:

- Illoqarfinni nunaqarfinnilu aalisakkanik suliffissuit annerpaamik innaallagiaq imerlu atuisutut allatulli akilertassavaat.

Atuisunut allanut aaqqiinermi taarsiissutit ikaarsaariarnermillu aaqqiinerit makkua illaassapput:

- Illoqarfinni nunaqarfinnilu nuna tamakkerlugu aningaasartuutit assigiit appasinneruffiini 1. januar 2005-imiit akikillisoqassaaq. Akerli nuna tamakkerlugu 2004-mi assigiimmik akeqartitsinerup minnerpaamik 50%-erissavaa aningaasartuutit qaffaataannut iluarsisaq.
- Illoqarfinni nunaqarfinnilu aningaasartuutit assigiit nuna tamakkerlugu assigiimmik akeqartitsinerup qaffasinneruffigisaani akit 1. januar 2005-imiit 2009-mut ukiumut 10%-imik qaffattassapput, taamaalilluni 2009-mi akit 2004-mi nuna tamakkerlugu assigiimmik akeqartitsinermit annerpaamik 150%-iussallutik aningaasartuutit qaffannerannut iluarsineqarlutik.

Ilannugsaq 2, oqaasertaliussat

Akigitinneqartut, akissarsiat akillu il.il. ukiumut ataasiarlugit Naalakkersuisut pingaarnertut aalajangersartarpaat. Taamaattorli Naalakkersuisut taakkuninnga ingerlaavartumik allannguisarsinnaapput, najukkani aningaasartuutit allanngorujussuarsimappata.

Naalakkersuisut piginnaatinneqarput innaallagissap, erngup kiaallu assigiimmik akeqartitaanerata allanngortinnissaanut atatillugu ikaarsaariutitut aaqqissuussinernut taarsiissutinuluunniit atugassatut 2006-2009-mut aningaasaliissutinut killiliussat iluanni piffissani uuliap akiata qaffariarujussuarnerani innaallagissap kWh-mut ataatsimut 0,25 kr.-inik akip qaffasinnerpaaffiata appartinneqarnissaanut tapiissuteqarallarsinnaanermut.

Naalakkersuisulli aalisakkanik suliffissuit oqaloqatigereerlugit pisinnaatitaapput pilersuisinnaassutsip pisariaqartumik annertusisariaqarnerani aningaasaleeqataanissap annertussissaa aalajangertassallugu, nutaamik aalisakkanut suliffisualiortoqarsimappat pioreersuluunnit annertusineqarpata.

Kontumut pingaarnermut 64.12.06-imut Erngup nukinga misissueqqaarnerit

Naalakkersuisut piginnaatinneqarput 2007-2009-mut aningaasaliissutinutt killiilussat iluini erngup nukinganik innaallagissiorfinnut misissueqqissaarinernik aallartitsinissamut, tamananilu Nukissiorfiit taamatut misissueqqissaarinissamut piginnaatillugit.

Ineqarnermut, Attaveqatigiinnermut Aatsitassanullu Naalakkersuisoq - Suliassaqarfiit 70 - 89

Suliassaqarfinnut 70-74-imut Attaveqatigiinnermut Ineqarnermullu Pisortaqarfik Nr. 1.

Tjenestemandinut Tele Greenland A/S-imi atorfeqalersimasunut ingerlatseqatigiiffiit innummut tunngasumik soraarnerussutisiassanut sillimmasiissuteqassapput tjenestemandit soraarnerussutisiassaasa atorunnaarsinneqarnerinut taartissatut atugassanik. Tjenestemandit soraarnerussutisiassaasa taamaaqataannik matussutissaqartinnerat anguneqarsinnaanngippat, ingerlatseqatigiiffiit soraarnerussutisiassanik piumasarineqartut innummut tunngasumik soraarnerussutisinnermut aaqqissuussinnermit anguneqarsinnaanngitsut akilertassavaat. Namminersornerullutik Oqartussat atorfilimmut pisussaaffiup taassuma eqquutsinnissaa akisussaaffigaat, aamma Namminersornerullutik Oqartussat ingerlatseqatigiiffinnut tamakkiisumik akiliisitsiniartussaapput soraarnerussutisiassat ilassutaasa tunniunneqarnissaanni.

Nr. 2.

Ingerlatsinnermut aningaasaliissutinut naleqqiullugu naatsorsuutitigut nikingassutaasut suliffeqarfinni namminersortitani uninngatinneqassapput. Uninngasut katersukkat, Naalakkersuisunut Inatsisartullu aningaasanut ataatsimiititaliaanut saqqummiussereernikkut, ilaatigut aningaasaliissutitut atorneqarsinnaapput.

Ilanngussaq 2, oqaasertaliussat

Kontumut pingaarnermut 70.01.06-imut, akuutissanik qaarsinnaasunik nakkutillineq

Naalakkersuisut piginnaatinneqarput qaartitsinissamut akuersissuteqartoqartillugu, qaartiterisut pisortaattut akuersissuteqartoqartillugu, qaartartunik pisinissamut akuersissuteqartoqartillugu, qaartartuusivinnik akuersissuteqartoqartillugu akileeqqusisinnaanermut.

Akiliutigitinneqartussat ima aalajangersarneqarput:

Qaartiterisut pisortaattut akuersissuteqarnermut akuersissummilluunniit nutarterinermut	750,00 kr.
Qaartartunik pisinissamut atuinissamullu akuersissuteqarnermut akuersissummilluunniit nutarterinermut	2.500,00 kr.
Qaartartuusivimmik akuersissuteqarneq:	
1 tons angullugu imaqarsinnaasunut	5.000,00 kr.
1 tons angullugu 5 tonsilu ataallugu imaqarsinnaasunut	35.000,00 kr.
5 tons sinnerlugu imaqarsinnaasunut	50.000,00 kr.

Kontumut pingaarnermut 70.01.08-mut, Ineqarnermut tunngasunik naammagittaliuuteqartarfik

Inissianik attartortitsisarneq pillugu inatsisartut peqqussutaanni nr. 2-mi, 12. maj 2005-imeersumi § 83, imm. 5 naapertorlugu pisortat inissiaataannik attartortortittakkanik attartortunut 100 kr.-inik akileeqqusisinnaanermut Naalakkersuisut piginnaatinneqarput.

Konto pingaarnermut 70.01.09-imut, Radioqarnermik aqutsineq, ingerlatsineq, allaffissorneq

Nr. 1.

Radiofrekvensit pillugit inatsisip Kalaallit Nunaannut atuuttussanngortinneqarnera pillugu peqqussut nr. 38, 23. januar 2004-meersoq kiisalu 2006-imi Kalaallit Nunaanni radiofrekvensit atorneqartarnerannut atatillugu akiliutigisartakkat pillugit nalunaarut nr. 1282, 12. december 2005-imeersoq naapertorlugit Naalakkersuisut 2007-mi piginnaatinneqarput frekvensinik atuinissamut akuersissuteqartitsinermi akiliuteqaqqusisinnamut.

Nr. 2.

Naalakkersuisut piginnaatinneqarput Inatsisartut Aningaasaqarnermut ataatsimiititaliaata akuersissuteqarneratigut piffissami 2007-2010-mi ukiumi arlalinni atuuttussanik ingerlatsinermut isumaqatigiissusiornissamut, tassunga ilanngullugu attartornissamut.

Ilannugsaq 2, oqaasertaliussat

Kontumut pingaarnermut 70.10.02-mut Namminersornerullutik Oqartussat Nuummi qitiusumik allaffeqarfii

Naalakkersuisut piginnaatinneqarput Aningaasaqarnermut Ataatsimiititaliap akuersissuteqarneratigut ukiunut arlalinnut ingerlatsinissamik isumaqatigiissuteqarnissamut, tassunga ilannugullugit Nuummi allaffeqarfinnut attartorerit.

Kontumut pingaarnermut 70.10.03-imut Sillimmasiinerit

Naalakkersuisut piginnaatinneqarput aningaasanut inatsimmi killiliussani nammineq akiliinissamut taarsiullugu sillimmasiisarfirmi allami sillimmasernermi akiliutissanut aningaasartuutissat akilernissaannut, ukiumut aningaasanut inatsiseqarfiusumut ukiunullu missingersuusiorfiusunut atuuttumik. Aammattaaq Naalakkersuisut nammineq akiliinissamut killissap aalajangernissaanut kiisalu sillimmasiinerit matussusiineq siunnersuinerlu pillugit ukiunut arlalinnut isumaqatigiissusiornissamut piginnaatinneqarput.

Kontumut pingaarnermut 70.10.04 Namminersornerullutik Oqartussat illuutaannik asserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit saniatigut ukiup siulianit aningaasaliissutinut immikkoortitanut naapertuuttunik aningaasartuuteqarnissamut Naalakkersuisut piginnaatinneqarput.

Kontumut pingaarnermut 72.02.03-mut, Boligstøtte, pilersaarusiornermut allaffissornermullu aningaasartuutit

Naalakkersuisut aningaasanut inatsimmi killiliussani ukiumi aningaasanut inatsiseqarfiusumi ukiunilu missingersuusiorfiusuni atuuttumik illunik typenik, sulianik illunut typeusunut tunngasunik ineriartortitsineq ineriartortitsinermullu ikiorsiineq pillugit ukiunut arlalinnut kifartuunneqarnissamik isumaqatigiissuteqarnissamut piginnaatinneqarput.

Kontumut pingaarnermut 72.02.05-mut, Sanaartortitsisutut allaffissornermut, Namminersornerullutik Oqartussat illuutaat

Nr. 1.

Naalakkersuisut aningaasanut inatsimmi killiliussani ukiumi aningaasanut inatsiseqarfiusumi ukiunilu missingersuusiorfiusuni atuuttumik iluarsaanermut najoqqutassamik aqutsinermi, pilersaarusiornermi ineriartortitsinermilu avataaniit siunnersorneqarneq ikiorneqarnerlu pillugit kifartuunneqarnissamik ukiunut arlalinnut isumaqatigiissuteqarnissamut piginnaatinneqarput.

Ilannugsaq 2, oqaasertaliussat

Nr. 2.

Naalakkersuisut inatsimmi killiliussani ukiumi aningaasanut inatsiseqarfiusumi ukiunilu missingersuusiorfiusuni atuuttumik ineqarnermut tunngasuni sanaartornermi pissutsit pillugit internetikkut paasissutissaateqarfimmik ingerlatsinissaq pillugu ukiunut arlalinnut kiffartuunneqarnissamik isumaqatigiissuteqarnissamut piginnaatinneqarput.

Kontomut pingaarnermut 72.06.01-imut Boligstøtte, akilersuutit

Naalakkersuisut pisinnaatitaapput 100 mio. kruunit angullugit annaasaqarnissaq pinngitsoorumallugu immikkoortissallugit 100 mio. kruunillu angullugit isumakkeerinerit pinngitsoortikkumallugit. Aningaasat taakkua killiffimmi naatsorsuutini nalunaarneqassapput.

Kontumut pingaarnermut 72.06.50 Taarsigassarsianik aqutsinermik eqaannerulersit-sineq

Naalakkersuisut piginnaatinneqarput boligstøttemut tunngasuni suliassat aaqqiivigineqarnissaat pillugu A/S Inissiaatileqatigiiffik INI-mik, aningaaserivinnik, kommuninik, ingerlatseqatigiiffinnik suliffeqarfinnilluunniit isumaqatigiissuteqarnissamut. Tamatumani pingaartumik pineqarput: nutaamik taarsigassarsiarititanik aqutsineq, taarsigassarsianik akileeqqusineq, isumakkeerinerit, taarsigassarsianik allanngortitsineq, akiliisitsisarneq akiliisitsiniartarnerlu, taarsigassarsianik naammassinninneq naligiissaarinerlu il.il.

Suliassaqarfimmut 73-imut, Attaveqatigiinneq aamma Angallanng

Nr. 1.

Naalakkersuisut piginnaatinneqarput tjenestemandit Royal Arctic Line A/S-imut imaluunniit ingerlatseqatigiiffimmi tassunga ingerlatseqatigiiffissuakkut atasumi nuussimasut pissassaasa akilernissaannut, tamatumunngalu atatillugu tjenestemandit imaatigut angalasut tjenestemandinut assingusumik ingerlatseqatigiiffimmi atorfinitsitaanerminni atugas-saritinneqartut naapertorlugit piginnaatitaaffiisa naammassineqarnissaat Namminersornerullutik Oqartussat akisussaaffigissallugu.

Nr. 2.

Naalakkersuisut piginnaatinneqarput tjenestemandit Royal Umiaq Line A/S-imut imaluunniit ingerlatseqatigiiffimmi tassunga ingerlatseqatigiiffissuakkut atasumi nuussimasut pissassaasa akilernissaannut, tamatumunngalu atatillugu tjenestemandit imaatigut angalasut tjenestemandinut assingusumik ingerlatseqatigiiffimmi atorfinitsitaanerminni atugas-saritinneqartut naapertorlugit piginnaatitaaffiisa naammassineqarnissaat Namminersornerullutik Oqartussat akisussaaffigissallugu.

Kontumut pingaarnermut 73.01.08 Ilaasunik angallassinermut tapiissutit

Naalakkersuisut piginnaatinneqarput Inatsisartut ataatsimiititaliap akuersissuteqarneratigut ukiup aningaasaliissuteqarfiusup saniatigut piffissamut 2007-2010-mut katillugit 442,2 mio. kr.-inik killiliussat iluini pisortat timmisartumik angallassinerat umiarsuatigullu ilaa-

Ilannugussaq 2, oqaasertaliussat

sunik angallassinerat pillugu ingerlataqartunik isumaqatigiissuteqarnissamut.

Konto pingaarnermut 73.01.09-mut, Ikaarsaariarnermi sillimmatit - angallasseriaaseq

Inatsisartut Aningaasaqarnermut Ataatsimiititaliaata akuersineratigut Naalakkersuisut piginnaatinneqarput 2007-mut aningaasaliissutini tamanut timmisartuussisarnissamut umiarsuartigullu angalasarnissamut angalatitsisartunut 2007-mut isumaqatigiissusiornissamut.

Kontumut pingaarnermut 73.02.02-mut Umiarsualivinnik aserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit saniatigut ukiup siulianit aningaasaliissutinut immikkoortitanut naapertuutunik aningaasartuuteqarnissamut Naalakkersuisut piginnaatinneqarput

Kontumut pingaarnermut 73.30.02-mut Ujaasinissamut annaassiniarnissamullu upalungaarsimaneq

Ujaasisarnernut annaassiniartarnernullu sillimanissaq pillugu timmisartortitseqatigiiffinnut ukioq ataatsimiit sisamanut sivilissusilimmik atuuttussamik isumaqatigiissuteqarnissaminut Naalakkersuisut piginnaatinneqarput, ukiumoortumik 9,6 mio. kr.-inik aningaasaliissutit killissaasa iluanni.

Kontumut pingaarnermut 76.01.02-mut Aatsitassarsiornermi suliniutit

Naalakkersuisut piginnaatinneqarput ukiup aningaasaliiffiusup iluani avataanilu piffissami 2007-2010-mi katillugit 77,2 mio. kr.-inik killiliussat iluini missingersuutinut siunnersuummi allaaserineqartutut suliaassat ingerlanneqarnissaat pillugu suleqatigisartakkanik isumaqatigiissuteqarnissamut.

Kontumut pingaarnermut 76.01.03-mut Aatsitassanut Ikummatissanullu Pisortaqarfik, Suliati isertitatigut matussusikkat

Naalakkersuisut piginnaatinneqarput Aatsitassanut Ikummatissanullu Pisortaqarfiup suliati isertitatigut matussuserlugit ingerlataasa ilaattut kontumi pingaarnermi 76.01.03-mi isertitat aningaasartuutillu akornanni nikingassutaasut aammalu ukiumi aningaasanut inatsiseqarfiusumi siuliani aningaasat atorneqanngitsuukkat ukiumi aningaasanut inatsiseqarfiusuni kingusinnerusukkat atugassanngortitsinissamut.

Suliaasaqarfimmut 80 - 89-imut Sanaartugassat aamma iluarsaassineq

Nr. 1.

Naalakkersuisut piginnaatinneqarput ukiumi aningaasanut inatsiseqarfiusumi kontuni sanaartugassanut nutarterinissanullu aningaasaliissutinut tunngasuni ingerlatassanik killilimmik iluarsaassuteqartarnissamut aningaasaliissuteqartarnikkut iliuuseqartarnissaminut. Niksiterinissat aalajangiisuusumik tunngaviusumik imaqqanngitsut 2 mio. kr.-illu ataallugit

Ilanngussaq 2, oqaasertaliussat

aningaasartallit pineqartillugit suliassa qarfiup iluani nikisitsinernik Aningaasaqarnermut Naalakkersuisoq akuersissuteqartarsinnaavoq.

Nr. 2.

Naalakkersuisut piginnaatinneqarput, sularinnittussarsiuussereernerup kingorna suliamut aningaasartuutit tamakkiisut, aningaasanut inatsimmi suliamut aningaasartuutissat tamakkiisut annikitsumik sinnerneqarsimappata, Aningaasaqarnermut ataatsimiititaliaq saqqummiussiffigeqqaarnagu sanaartornissamut pilersaarutit aallartissallugit. Aningaasanut Naalakkersuisoq aallartitsineq akuerisinnaavaa aningaasartuutaanerusut annerpaamik 15 %-iuppata, 3 mio.kr.-inillu annikinneruppata. Aammattaaq piumasaqaataavoq ukiuni missingersuusiordiusuni aningaasartuutaanerusut akilerneqassasut, aningaasartuutaanerusullu taakku ukiuni tulluuttuni aningaasanut inatsimmi Naalakkersuisunit ilanngunneqassasut.

Nr. 3.

Naalakkersuisut piginnaatinneqarput sanaartukkat aningaasaliissutitaminnut naleqqiullutik annikitsumik allannguuteqarfiussangatinneqartut allannguuteqarneriluunniit paasineqartut pillugit aningaasaliissutitigut allanngortitsissutinik qinnuteqaanngitsoornissaminnut. Allanngutit taakku Nunatta Karsiata naatsorsuutaanut ilanngunneqartassapput sanaartukkat taakku naammassineqaraangata aammalu sanaartugassanut iluarsagassanullu aningaasaateqarfimmit peerneqaraangata.

Naalakkersuisut piginnaatinneqarput aningaasaliissutit allannguutissaannik qinnuteqaanngitsoornissaminnut:

Suliassamut aningaasaliissutit:	Atuinerussutillu ukunani ikinneruppata:	Atuinikinnerussutilluunniit ukunanit ikinneruppata:
1 mio. kr. ataappagit	10% imal. 25.000 kr.	20% imal. 50.000 kr.
1 aamma 5 mio. kr. akornanniippata	5% imal.100.000 kr.	10% imal. 200.000 kr.
5 mio. kr. sinnerlugit	2% imal. 250.000 kr.*	10%

*) Atuinerussutilli 1 mio. kr.-it sinnersimappatigut aningaasaliissutit allannguutissannik qinnuteqartoqartuaannassaaq.

Nr. 4.

Boligstøttemit illuutit utertillugit tigusat inuttaanniilluunniit utertitat, taakkununga ilanngullugit nammineerluni illuliat aningaasaqarnikkut nalilerneqarfiannut pisortat inunnut kommunimulluunniit tuninerisigut imaluunniit kommunimut akiliutitaqanngitsumik tuniunnerisigut tunineqarnissaannut Naalakkersuisut piginnaatinneqarput.

Nr. 5.

Naalakkersuisut piginnaatinneqarput Inatsisartut Aningaasaqarnermut Ataatsimiititaliaata akuersineratigut ukiuni aningaasanut inatsiseqarfiusumi ukiunilu missingersuusiordiusuni aningaasaliissutinik suliassanut ataasiakkaanut naammassillugit pilersaarusiukkanut kiisalu

Ilannugsaq 2, oqaasertaliussat

taakku B-mik missingiutitalimmik suliassamut siunnersuutitalimmut atugassangortitsinissamut.

Sanaartornerni misilittakkat malillugit missingersuutit B-t suliariumannittussarsiornerullu inernerisa akornanni annertuumik nikingasoqartillugu pingaarnertut suliassaq missingersuutitik A-nik ilalik pigineqarpat aningaasaliissutitik timitaliinissaq Naalakkersuisunit toqqarneqarsinnaavoq.

Piginnaatitsissut kontunut pingaarnernut ataaniittunut atuuppoq:

80.00.00 Sanaartornermut atugassat agguanneqanngitsut

80.00.01 Nuussinissanut sillimmatit

84.40.10 Kommunini atuarfiit

87.72.13 Immikkut ittumik iluarsartuussineq

89.71.40 Nukissiorfiit, sanaartornermut taarsigassarsiarititat

Nr. 6.

Naalakkersuisut piginnaatinneqarput kommunit ataasiakkaat Namminersornerullutillu Oqartussat akornanni sanaartornissamut isumaqatigiissut tunngavigalugu ukiumi aningaasanut inatsiseqarfiusumi ukiunilu missingersuusiorfiusuni suliassanut aningaasaliissutit aalajangersimasut kommuninut tunniunnissaannut. Kommuni aningaasaliissutit atorneqarnerat pillugu kvartalikkuutaartumik nalunaarusianik nassitsisassaaq.

Nr. 7.

Naalakkersuisut piginnaatinneqarput ukiumut aningaasanut inatsiseqarfiusumut ukiunullu missingersuusiorfiusunut uppersaalluni atsiorsinnaatitaaneq pillugu aningaaserivimmik ataatsimik arlalinnilluunniit isumaqatigiissuteqarnissamut, taamaalilluni aningaaseriviit Naalakkersuisut Nunattalu Karsia sinnerlugit illuutitik Namminersornerullutik Oqartussanit qularnaveeqquserneqartunik allanngortitsinermi imaluunniit tunisinermi, piginnittut nikinneranni piginnittulluunniit nikinneranni sularinninnerni tamani qularnaveeqqusiussanut uppersaallutik atsiorsinnaassaallutik.

Uppersaalluni atsiorsinnaatitaaneq makku malillugit qularnaveeqqusiussanut atuuppoq:

1. Piginneqatigiilluni inissiat pillugit Inatsisartut peqqussutaat nr. 1, 31. oktober 1991-imeersoq,
2. Namminersornerullutik Oqartussat kommunillu inissiaataasa attartortittakkat pigisatut inissiannngortissinnaanerak pillugu Inatsisartut peqqussutaat nr. 5, 21. maj 2002-meersoq, kiisalu
3. Illulioriternernut aningaasalersuineq pillugu Inatsisartut peqqussutaat nr. 4, 30. oktober 1998-imeersoq.
4. Inatsisartut peqqussutaat nutaat imm. 1, 2 imaluunniit 3-mi oqaatigineqartunik taar-

Ilannugsaq 2, oqaasertaliussat

taasut.

Allannguinermi imaluunniit tunisinerni, piginnittut nikinnerini piginnittulluunniit nikinne-ranni suliarinninnerni tamani qularnaveeqqusiussanik atsiortoqartillugu Naalackersuisut piginnaatitaapput qularveeqqusiussap qanoq oqaasertaqarnera apeqqutaatinnagu 1.250 kr.-inik akileeqqusinissamut. Aammattaaq Naalackersuisut piginnaatinneqarput ukiumut aningaasanut inatsiseqarfiusumut ukiunullu missingersuusiorfiusunut qularnaveeqqusiussat uninngasuutiginnissaat pillugu aningaaserivinnik isumaqatigiissuteqarnissamut.

Nr. 8.

Naalackersuisut piginnaatinneqarput illuliortiternernut aningaasalersuinerup iluani suliasanik iængerlatsinissamut aningaaserivinnik isumaqatigiissuteqarnissamut. Pingaarnertut tassaasinnaapput taarsigassarsianik nutaanik aqutsineq, taarsigassarsianik akileeqqusineq, isumakkeerinerit, taarsigassarsianik allangortitsinerit, akilersuisitsinerit akiliisitsiniartarnerillu, taarsigassarsianik naammassinninnerit naligiissaarinerillu il.il.

Piginnaatitsissut makku malillugit isumaqatigiissutinut atuuppoq:

1. Piginneqatigiilluni inissiat pillugit Inatsisartut peqqussutaat nr. 1, 31. oktober 1991-imeersoq,
2. Namminersornerullutik Oqartussat kommunillu inissiaataasa attartortittakkat pigisatut inissiannngortissinnaanerit pillugu Inatsisartut peqqussutaat nr. 5, 21. maj 2002-meersoq, kiisalu
3. Illuliortiternernut aningaasalersuineq pillugu Inatsisartut peqqussutaat nr. 4, 30. oktober 1998-imeersoq.
4. Inatsisartut peqqussutaat nutaat imm. 1, 2 imaluunniit 3-mi oqaatigineqartunik taartaasut.

Nr. 9.

Inissianut tapiissuteqarfigineqartussaataitaasunut taarsigassarsiat tapiissutillu illup annertussusia tunngavigalugu tunniunneqartarput. Naatsorsuineq pisarpoq illup ataasiakkaap iigaaniit qalianut aammalu init attartukkat annertussusiisa uuttortarneqarnerisigut. Qaliat naqqullu ataata inigineqartussaanerit naapertorlugit ilanngullugit naatsorsuusiorneqartarput. Iikkat init attartukkat annertussusaasa affaatut naatsorsorneqartarput. Inissiani majuartarfiit inissiani quleriilinni tamani inissianut attuumassuteqartuniittut ilanngullugit naatsorsorneqartarput. Ataatsimut isaariat, majuartarfiit majuartarfiillu sangoriaat, akunnequtini kiasarneqartuniittut, ilanngullugit naatsorsorneqartarput, taamaattorli annerpaamik annertussutsip taarsigassarsisitsisussaataitaasup annertussusiata 105 m²-iusup 10 %-ianut 10,5 m²-iatut naapertuuttumik. Toqqorsiviit, quit aneerasaartarfiillu ilanngullugit naatsorsorneqarneq ajorput, taakkua imaaliiallaannaq ussissarneqarsimannngikkaangata inigisamullu ilanngunneqarsimannngikkaangata.

Kontumut pingaarnermut 80.00.72-imut, Inissianik attartortittakkanik tunisaqarneq

Nr. 1.

Naalakkersuisut piginnaatinneqarput, Inatsisartut Aningaasaqarnermut ataatsimiititaliaannut ilisimatitsissuteqareernerimikkut, Namminersornerullutik Oqartussat inissiaataanni attartortittakkanik attartortunik isumaqatigiissuteqarnissamut, inissiatik attartukkatik inissiaatileqatigiittut atugassaqarlutik pigisatulluunniit inissiatut tigusinnaagaat. Piginnaatitsissut Piginneqatigiilluni inissiat pillugit Inatsisartut peqqussutaannut nr. 1-imut, 31. oktober 1991-meersumut kiisalu Namminersornerullutik Oqartussat kommunillu inissiaataasa attartortittakkat pigisatut inissiannngortissinnaaneratt pillugu Inatsisartut peqqussutaannut nr. 5-imut, 21. maj 2002-meersumut naapertuuppoq.

Piginnaatitsissut atuuppoq illuutit ataasiakkaat arlalinnik inissiaartaqarsinnaasut nalingat apeqqutaatinngalu, aammalu suliaasaqarfimmut 10-89-imut, Naalakkersuisut, oqaasertaliussani nr. 4-imi oqaatigineqartutut pigisat nalillit tunineqarnissaannut piginnaatitsissummut killiliussaq qaangersinnaallugu.

Nr. 2.

Naalakkersuisut piginnaatinneqarput kommunini inissianik attartortittakkanik sananeqarneranni Nunatta Karsianit tapiiffigineqarsimasunik kommunit tunisinissaannut akuersissuteqarnissamut.

Naalakkersuisut akuersissuteqarnissaannut makku piumasaqaataapput:

- 1) inissiat attartortittakkat inoqartut attartortuinut inissiamik attartornissamut isumaqatigiissutigineqartunut neqeroorutigineqassasut,
- 2) inissiat attortortittakkat inoqanngitsut pisortanut neqeroorutigineqassasut qaffasinnerpaamillu neqerooruteqartunut tunineqassasut,
- 3) tunisinnginnermi tunisineranut atugassarititaasut aammalu illuutip tunineqarnerani iluanaarutit atorineqarnissaat pillugit Naalakkersuisut kommunillu akornanni isumaqatigiissuteqartoqassasoq,
- 4) isumaqatigiissut Inatsisartut Aningaasaqarnermut ataatsimiititaliaannit akuerineqassasoq.

Kommunip illuutimik tunisinerani iluanaarutit Kalaallit Nunaanni aningaaserivimmi kontumut inissinneqassapput Nunatta Karsianut iluaqutaasussanngorlugit. Tunisinerami iluanaarutit atorineqarnissaannut siunertat eqquutsinneqareerpata tunisinerami iluanaarutit kommunimut tunniunneqassapput. Piginnaatitsissut Inissialiornermut tapersiissuteqartarneq pillugu inatsisartut peqqussutaata allanngortinneqarneranik Inatsisartut peqqussutaannut nr. 3-mut, 21. maj 2002-meersumut naapertuuppoq.

Kontumut pingaarnermut 87.72.21-mut Inissianik kommuninit attartortitassanik tapiissutitalimmik sanaartorneq

Nr. 1.

Naalakkersuisut piginnaatinneqarput ukiumi aningaasanut inatsiseqarfiusumi taassumalu avataani Inatsisartut Aningaasaqarnermut Ataatsimiititaliaannut ilisimatitsissuteqareerner-mikkut kommunit attartortittakkanik sanaartorerannut tapiissuteqassallutik neriorsuinis-saminnut. Ineqarfinmi kvadratmeterimut ataatsimut tapiissutit aalajangersimasunngorlugit tapiissutigineqartassapput. Ineqarfiup ineqarfittavia minnerpaamik 45 kvadratmeteriussaaq. Ineqarfiup ineqarfittaviani annerpaamik 130 kvadratmeterimut tapiisoqartassaaq ineqarfiup angissusia apeqqutaatinnagu.

Ineqarfinnut 60 m²-ip tungaanut angissusilinnut tapiissutit 9.700 kr. pr. m²,

Ineqarfinnut 60 aamma 85 m² akornanni angissusilinnut tapiissutit 8.500 kr. pr. m²,

Ineqarfinnut 85-imiit 110 m²-imut angissusilinnut tapiissutit 8.000 kr. pr. m², og

Ineqarfinnut 110-imiit 130 m²-imut angissusilinnut tapiissutit 7.500 kr. pr. m².

Tapiissuteqarfigineqassagaanni piunasaqaatigineqarportaaq sanaartornermi inissialiorti-ternermut tapersiisarneq pillugu Inatsisartut peqqussutaat, aammalu taanna naapertorlugu nalunaarusiarineqartut malinneqassasut.

Nr. 2.

Naalakkersuisut ukiumi aningaasanut inatsiseqarfiusumi matumani Inatsisartut Aningaasa-qarnermut ataatsimiititaliaat ilisimatitsissuteqareerner-mikkut piginnaatitaapput kontumit pingaarnermut matumanit kontumut pingaarnermut 87.72.22-mut Nunaqarfinni isorliuneru-sunilu inissialiortiternermut pilersaarut nuussinissamut, aammalu kontumut pingaarnermut 89.72.11-mut, Namminersuutigalugu illuliortiternermut tapiissuteqartarneq.

Nr. 3.

Naalakkersuisut piginnaatitaapput katillugit 105,0 mio. kr.-it iluanni neriorsuisinnaanissa-mut.

	AI 2007	M 2008	Katillugit
Aningaasaliissu-tit/killiliussat	45,0	60,0	105,0

Kontumut pingaarnermut 87.72.22-mut Nunaqarfinni isorliunerusunilu inissialiorti-ternermut pilersaarut

Nr. 1.

Naalakkersuisut Inatsisartut Aningaasaqarnermut ataatsimiititaliaannut ilisimatitsereerner-mikkut nammineeirluni illuliat, kommunini illuliassat katiteriaannaat nunaqarfinnilu illuliat pillugit neriorsuuteqarnissamut. Naalakkersuisut ukiumi aningaasanut inatsiseqarfiusumi tamatumalu avataani piginnaatinneqarput ukiunut arlalinnut nammineq illuliat kommunini-lu illuliassat katiteriaannaat pillugit isumaqatigiissuteqarnissamut.

Ilangussaq 2, oqaasertaliussat

Nr. 2.

Naalakkersuisut konto pingaarneq atorlugu piginnaatitaapput,

- kommunitut ataasiakkaannut 100%-imik nammineerluni illulianut neriorsuuteqassallutik, tamatumalu kingorna kommunip aalajangissavaa qinnuteqartut sorliit nammineerluni illuliamik tunineqassanersut,
- toqqavissanut illullu silataasa matuissaanut sanaartoqataanermi aningaasartuutitut akiliinissamut,
- nammineerlutik illuliortut ilitsersorneqarnerannut aningaasartuutit akiliinissamut
- nammineerluni illuliat pilersaarusionerata attatiinnarnissaanut pilersaarusiillu ineriartortinnerannut aningaasartuutit akilernissaannut,
- nammineerluni illuliat sananeqarsimangitsut naammassinissaannut pilersaarusionermut aningaasartuutit akiliinissamut, aamma
- atortussat qimaannakkat annaanniarnernut sanaassallu unitsiinnakkat annaaniarnernut aningaasartuutit akilernissaannut.

Nr. 3.

Naalakkersuisut piginnaatinneqarput ukiumi aningaasanut inatsiseqarfiusumi matumani Inatsisartut aningaasaqarnermut ataatsimiititaliaannut ilisimatitsissuteqarenermikkut kontup pingaarnerup matuma kontullu pingaarnerup 87.72.21-p Inissianik kommuninit attartotitassanik tapiissutitalimmik sanaartorneq, aammalu kontup pingaarnerup 89.72.11-p, Nammineq inissianik tapiissutitalimmik sanaartorneq, akornanni aningaasaliissutit nussuinissamut.

Nr. 4.

Oqaasertaliussami matumani Naalakkersuisut piginnaatinneqarput ukiumi aningaasanut inatsiseqarfiusumi avataanilu aningaasalersuinissamut katillugit 125,6 mio. kr.-inik killiliussat atuisinnaanermut.

	AI 2007	M 2008	Katillugit
Aningaasaliissutit/killiliussat	66,2	59,4	125,6

Kontomut pingaarnermut 87.72.23-mut Inissiliortiternermut tapersiissutit, iluarsaasinissamut tapiissutit

Naalakkersuisut piginnaatinneqarput ukiup aningaasanut inatsiseqarfiusup iluani, taamatullu Inatsisartut Aningaasaqarnermut ataatsimiititaliaannut ilisimatitsissuteqarnermikkut, kontop pingaarnerup matumani pineqartup aamma kontop pingaarnerup 87.72.21-p Inissianik kommuninit attartotitassanik tapiissutitalimmik sanaartorneq, akornanni aningaasaliissutit nikisiterisinnaanissaminnik.

Kontumut pingaarnermut 87.72.24-mut Inissianik attartortittakkanik piartariaqalikkaniq kommuninut tunniussineq

Naalakkersuisut piginnaatinneqarput Namminersornerullutik Oqartussat inissiaataannik attartortittakkanik pisoqaanerusunik piartariaqalikkaniq kommuninut akeqanngitsumik tunniussinissaq pillugu kommuninik ataasiakkaanik isumaqatiginninniarnissamut. Inissiamik nuussinissaq isaterinissarlu kiisalu inissianik taartaasussanik sananissamut pilersaarutit pillugit paasissutissat isumaqatigiinniarnermut atugassarititaasuni piffissallu pilersaarusiorneqarnerani takuneqarsinnaassapput.

Naalakkersuisut piginnaatinneqarput inissianik ataani taaneqartunik Nuup Kommuneanut tunniussinermi inissiat piarneqarnissaannut m²-mut ataatsimut 750 kr.-it pallillugit tapiissuteqarnissamut. Aammattaaq Naalakkersuisut piginnaatinneqarput inissanik taartissanik sanaartornermut kommuninut tapiissuteqarnissamut, kommunit inissiaataannik attartortittakkanik sanaartornermut ilusilerlugu inissianik taartissanik sanaartornermut m²-mut ataatsimut 5.400 kr.-inik.

Piginnaatitsissummiipput:

B-438, Blok L, quleriaat marluusut 1962-imi sanaat.
B-439, Blok A, quleriaat marluusut 1962-imi sanaat.
B-440, Blok B, quleriaat marluusut 1962-imi sanaat.
B-441, Blok C & D, quleriaat marluusut 1962-imi sanaat.
B-491, Blok K, quleriaat marluusut 1963-imi sanaat.
B-492, Blok H, quleriaat marluusut 1963-imi sanaat.
B-493, Blok G, quleriaat marluusut 1963-imi sanaat.
B-494, Blok F, quleriaat marluusut 1963-imi sanaat.
B-495, Blok E, quleriaat marluusut 1963-imi sanaat.
Attartortittakkat katillugit 146-t katillugit 8.822 m²-iusut.

B-496, Blok M, quleriaat pingasuusut 1964-imi sanaat.
B-497, Blok N, quleriaat pingasuusut 1964-imi sanaat.
B-498, Blok O, quleriaat pingasuusut 1964-imi sanaat.
Attartortittakkat katillugit 76-it katillugit 4.121 m²-iusut.

Inissiat katillugit 222-nik initallit katillugit 12.943 m²-usut Nuup Kommuneanut tunniunneqassapput amerlanerpaamik 9,7 mio. kr.-inik isaterinissamut tapiissutitallit. Annertoqataannik kommunip attartortitassanik nutaamik sanaartortoqarpat, tamanna amerlanerpaamik 69,9 mio. kr.-inik tapiissutitaqassaaq.

Kontumut pingaarnermut 87.72.25-mut Inissianik attartortittakkanik isaterineq nammineerlunilu nutaamik sanaartorneq

Naalakkersuisut piginnaatinneqarput inissiat attartortittakkat pisoqaanerusut isateriaannak-

Ilangussaq 2, oqaasertaliussat

kallu ataani allassimasut isaterneqarnissaannut suliariumannittussarsiornissamut.

B-1288, Blok Q, quleriaat pingasuut 1966-imi sanaat.

B-1289, Blok R, quleriaat sisamaasut 166-imi sanaat aamma

B-1388, Blok S, quleriaat tallimaasut 1967-imi sanaat.

Blok Q 45-nik inissartaqarpoq katillugit 2.800 m²-iusunik.

Blok R 60-inik inissartaqarpoq katillugit 3.800 m²-iusunik.

Blok S 80-inik inissartaqarpoq katillugit 4.700 m²-iusunik.

Sanaartorfiusoq 11.300 m²-it missaannik annertussuseqarpoq.

Aammattaq Naalakkersuisut piginnaatinneqarput inissianik attartortittakkanik taaneqartunik isaterinermi m²-imut ataatsimut 750 kr.-inik tapiissuteqarnissamut. Suliariumannittussarsiuinermi neqeroorummi piumasarineqassaaq isaterneqartut minnerpaamik m²-riisa anertoqataannik nutaanik sanaartortoqassasoq.

Namminersornerullutik Oqartussat inissiaataasa attartortittakkat isaterneqarnerisa kingorna nammeerluni inissiatut ilusilerlugit taartissatut inissialiornermi Naalakkersuisut piginnaatinneqarput Inissialiornermut tapersiissuteqartarneq pillugu Inatsisartut peqqussutaanni nr. 4-mi, 30. oktober 1998-imeersumi § 4, imm. 2 naapertorlugu Nunatta Karsiata sanaartornermi akiusup 40%-ianut, taamaattorli m²-mut ataatsimut annerpaamik 5.400 kr.-inik, ernialersugaanngitsunik akilersuutitaqanngitsunillu taarsigassarsisitsinnaanerata atornissanut.

Aammattaq Naalakkersuisut piginnaatinneqarput Namminersornerullutik Oqartussat inissiaataasa attartortittakkat taartissaatut piginneqatigiilluni inissialiortoqarpat sanaartornermi akiusup 2/3-ianut, taamaattorli m²-mut ataatsimut annerpaamik 10.000 kr.-inik, ernialersugaanngitsunik akilersuutitaqanngitsunillu taarsigassarsisitsinissamut.

Naalakkersuisut piginnaatinneqarput inissianik sanaartoqqinnermi piginneqatigiilluni inissialiortitsisarnissamut, inissianik arlalinnik sanaartortunut peqatigiiffinnik pilersitsinermut taarteqaatitut. Taamatuttaaq Naalakkersuisut piginnaatinneqarput, piginneqatigiilluni inissiaatileqatigiinni pilersinneqartuni ataatsimeersuarnermi siulersuisunilu isumagineqartussani piginnaatitaaffinnik pisussaaffinnillu ilaatinneqalernissamut. Taamatut pisussaaffik atuukkunnaassaaq piginneqatigiilluni inissiaatileqatigiit ataasiakkaat piginneqatigiilersussanngoraangata.

Inissiat ataasiakkaat tunniunneqarnissaasa tungaannut Naalakkersuisut piginnaatinneqarput aningaasaqarnermut tunngassuteqartunik tamanik iliuseqarfiginninnissamut, sanaartukkat ingitserneqarnissaanni kiisalu sanaartukkat nutaat suliarineqarneranni tunniunneqarnerannilu pisariaqartumut. Piginnaatitsissut aammattaq sanaartornissamut aningaasaliinissamut,

Ilanngussaq 2, oqaasertaliussat

taarsigassarsisitsinissamut neriorsuummik atsiornermut, sanaartortitsisunik isumaqatigiisusiornermut aammalu aningaaserivimmiit qularnaveeqqusiilluniluunniit aningaasaliisar-fimmiit aningaasaliinermi piginnaatitsivoq.

Inissialiani nutaani piginneqataasut maanna attartortuusut salliutinneqartarnissaannut Naalakkersuisut piginnaatinneqarput. Siornatigut attartortuusut piginneqatigiilerusuttut amerlassusaat naammangikkaangata, Naalakkersuisut namminneq sulisorisamik piginneqataalernissaannut neqeroorfigisinnaavaat. Kingorna piginneqataassutit tamarmiusut piginneqatigiinnut nutaanut tunniunneqarsimangippata, inunnut utaqqisut allattorsimaffi-anni piginneqataalersussatut allatsissimasunut Naalakkersuisut neqerooruteqarsinnaapput.

Piginneqataassutit tamarmik piginneqatigiinnut nutaanut tunniunneqarsimassanngikkaluar-pata, Naalakkersuisut piginnaatinneqarput piginneqataaginnarnissamut piginneqatigiillunilu inissiaq inissiatut nalinginnaasumik attartortitakkatut atugassaqartitsilluni attartortissinnaal-lugu.

Pilersitsinissamut, ingerlatsinissamut aningaasaliinissamullu iliuutsit siuliini taaneqartut ingerlanneqarnissaannut aammattaaq Naalakkersuisut piginnaatinneqarput, piginneqatigiil-luni inissiaatileqatigiinnut taarsiullugu nammineq inigisassatut piginneqatigiinnut sanaar-tortoqassappat, taamatutaaq Naalakkersuisut piginnaatinneqarput piginneqatigiit nam-mineq inigisassatut allanngortinneqarneranni tuniniarneqalinnginneranni tunniunneqalin-nginneranniluunniit

Konto pingarneq 87.73.10-mut, Umiarsualiviit

Nr. 1.

Naalakkersuisut piginnaatinneqarput aningaasaqarnermut ataatsimiititaliap akuersineratigut piffissamut 2007-2009-mut umiarsualivinnik misissueqqaarnerit pilersaarusiernerillu aal-lartinnisaannut.

Umiarsualivinnik misissueqqaarnerit pilersaarusiernerillu aallartinneqarnerat aningaasaler-sorneqarsinnaaassaaq aningaasaqarnermut ataatsimiititaliap akuersineratigut, sanaartornermi suliasat unitsinneqarneranni imaluunnit ingerlanneqartut naammassineqarneranni konto pingarneqarnermut matumunnga aningaasaliissutininik nuussinikkut.

Nr. 2.

Naalakkersuisut piginnaatinneqarput Aningaasaqarnermut ataatsimiititaliap akuersis-suteqarneratigut piginneqatigiilluni ingerlatseqatigiiffinnut umiarsualivimmik aqutsisussa-nut Namminersornerullutik Oqartussat, Nuup Kommunia aningaasalersuisullu namminer-sortut piginnataaffigisaannut umiarsualiviit nalilinnngorlugit aningaasaliissutiginnissaannut.

Kontumut pingaarnermut 89.71.40-mut Nukissiorfiit, sanaartornermut taarsigassarsiarititat

Nr. 1.

Qorlortorsuarmit erngup nukinga atorlugu innaallagissiorfiliorerup 50 %-ia aningaasalersorneqassaaq Nukissiorfiit unerartitaanik atuinikkut.

Nr. 2.

Naalackersuisut piginnaatinneqarput sanaartornissamut aningaasartuutit tamarmiusut neqeroorutigineqartut tamarmik tigoreernerini 2004-mut Aningaasanut Inatsimmi suliaasamut aningaasaliissutaasut tamarmiusut annerpaamik 8 %-imik qaangersimappatigit Qorlortorsuarmit erngup nukinga atorlugu innaallagissiorfimmik sanaartornissap aallartinnissaanut. Piumasarineqarpoq aningaasartuutaanerusut ukiumi aningaasanut inatsiseqarfiusumi taassumalu avataani akilerneqassasut. Nukissiorfiit piginnaatinneqarput naalackersuisunut kiisalu Inatsisartut Aningaasaqarnermut Ataatsimiititaliaannut saqqummiussereernikkut illuartertaminnut aningaasartuutini akiliinissamut.

Kontumut pingaarnermut 89.72.11-mut Nammineq inissianik tapiissutitalimmik sanaartorneq

Nr. 1.

Pigineqatigiilluni inissiatileqatigiiffimmit namminerluunniit illuliorniartumit qinnuteqaat pilersaarummik ilalik tunngavigalugu neriorsuilluni allagaqartoqarsinnaavoq. Qinnuteqaat illuliassaq pillugu paasissutissanik sukumiisunik ilaqassaaq. Neqeroorutip tunngavilissavaa aningaasaliissutini Sanaartugassanut Iluarsagassanullu Aningaasaateqarfimmut nuussinissaq.

Nr. 2.

Naalackersuisut Inatsisartut Aningaasaqarnermut ataatsimiititaliaannut ilisimatitsissuteqaereerlutik piginnaatinneqarput ukiumi aningaasanut inatsiseqarfiusumi taassumalu avataani pigineqatigiilluni inissiatileqatigiit illuliornissamut taarsigassarsinissamut neriorsussallugit. Naalackersuisut piginnaatinneqarput Inatsisartut Aningaasaqarnermut ataatsimiititaliaannut ilisimatitsissuteqaereerlutik ukiumi aningaasanut inatsiseqarfiusumi taassumalu avataani pigineqatigiilluni inissiatileqatigiit illunik namminersortunit sanaanik pisiniartut taarsigassarsinissamik neriorsussallugit.

Nr. 3.

Naalackersuisut Inatsisartut Aningaasaqarnermut ataatsimiititaliaannut ilisimatitsissuteqaereerlutik ukiumi aningaasanut inatsiseqarfiusumi taassumalu avataani piginnaatitaapput illunik namminersortunit sananneqarsimasunit pisinermi taarsigassarsianik piginnittuuneq nalunaarutigissallugu. Piginnittuunissamut neriorsuut pigineqatigiilluni inissiatileqatigiinnut pilersinneqarsimasunut tunniunneqassaaq illullu neriorsuutigineqartut pisiarinerannut atorneqassallutik illut naammassineqareerpata. Naalackersuisut Inatsisartut Aningaasa-

Ilanngussaq 2, oqaasertaliussat

qarnermut ataatsimiititaliaannut ilisimatitsissuteqareerlutik ukiumi aningaasanut inatsiseqarfiusumi taassumalu avataani piginnaatinneqarput piginneqatigiilluni inissiaatileqatigiit inissianik attartortittakkanik tigusinissamut taarsigassarsinissamut neriorsussallugit.

Nr. 4.

Naalakkersuisut Inatsisartut Aningaasaqarnermut ataatsimiititaliaannut ilisimatitsissuteqareerlutik ukiumi aningaasanut inatsiseqarfiusumi taassumalu avataani piginnaatitaapput illut inunnit ataasiakkanit, ingerlatseqatigiiffinit namminersortunilluunnit allanit sananeqartut sananissaannut neriorsuuteqassallutik, kiisalu illunut namminersortunit sananeqartunut inernerallu ilutigalugu tunineqartunut taarsigassarsianik piginnittuuneq nalunaarutigissallugu. Naalakkersuisut Inatsisartut Aningaasaqarnermut ataatsimiititaliaannut ilisimatitsissuteqareerlutik piginnaatitaapput ilaqutariinnut ataasiakkaanut illuliat iluarsaanissaannut pitsanngorsarnissaannullu taarsigassarsinissamut neriorsuuteqassallutik.

Nr. 5.

Naalakkersuisut piginnaatinneqarput Inatsisartut Aningaasaqarnermut ataatsimiititaliaannut ilisimatitsissuteqarnermikkut kontumi pingaarnermi 80.00.10-mi Sanaartugassanut Iluarsagassanullu Aningaasaateqarfimmi utertitat, aningaasaliissutinik ilanngussinissamut, atuinikinneruneq makkuninnga pissuteqarpat.

- Inissiat naammassineqartut pilersaarutigineqartumit ikinneruppata imaluunniit sanaartorfiusoq neriorsuutigineqartumit annikinneruppat.
- Sanaartugassaq unitsinneqarsimappat atorunnaarsinneqarsimappalluunniit.

Naalakkersuisut piginnaatinneqarput kontumi pingaarnermi matumani aningaasaliissut amerlinissaannut kontumi pingaarnermi 80.00.10-mi Sanaartugassanut Iluarsagassanullu Aningaasaateqarfimmit utertitat, isertinneqartut amerlaqataannik.

Nr. 6.

Naalakkersuisut piginnaatinneqarput ukiumut aningaasanut inatsiseqarfiusumut ukiunullu missingersuusiorfiusunut Kalaallit Nunaanni aningaaseriveqarfimmik makku pillugit isumaqatigiissuteqarnissamut

- taarsigassarsisitsinissamik neriorsuutinik aqutsineq
- taarsigassarsisitsinermi uppersaatinik tunniussineq
- taarsigassarsianik tunniussineq
- taarsigassarsisitsinermi uppersaatinik paarsineq
- kisitsisitigut paasissutissiorneq.

Nr. 7.

Naalakkersuisut piginnaatinneqarput konto pingaarneq tamaat isigalugu Aningaasaqarnermut ataatsimiititaliamut ilisimatitsissuteqarnermikkut 158,4 mio. kr.-it pallillugit neriorsuuteqarnissaminut.

Ilanngussaq 2, oqaasertaliussat

	AI 2007	M 2008	Katillugit
Aningaasaliiss./killiliuss.	83,3	75,1	158,4

Nr. 8.

Naalakkersuisut piginnaatinneqarput inissiaatileqatigiilluni inissiat nammineq pigisassanngorlugit Nunatta karsianiit taarsigassarsisineqarsimasut akuerineqarnissaannut. Piginnaatitsissut atuutissaaq allanngortiterinermi piumasaqaatit aappaattut taarsigassarsisitsisutut kommunimik isumaqatigiissuteqartoqarpat.

Allanngortiterinerni iluseq imaattoq atuutsinneqassaaq:

Piginneqatigiilluni inissiaatileqatigiinniit nammineq inigisassatut qinnuteqaat peqatigiiffiup ilaasortaanit tamanit isumaqataaffigineqassaaq.

Piginneqatigiilluni inissiaatileqatigiit pisortanut taarsigassarsiaminnik akilersuinissaanni iluseq imaattoq atuutsinneqassaaq:

a) Pisortanit taarsigassarsiat akinut iluarsiiisutaasunut taarsersorlugit inaarneqassapput, taamaattorli pisortat suli sanaartornermut aningaasartuutit iluarsisat 40 %-iinik taarsigassarsisitsisassallutik, taamaattorli kvadratmeterimut amerlanerpaamik 5.400 kr.-inik inissiamullu annerpaamik 105 kvadratmeteriusumut. Pisortanit taarsigassarsiat, Nunatta karsianit affarmik kommunalbestyrelsimillu affarmik tunniunneqartussat ukiuni 15-ini erniaqanngilat akilersuutitaqaratillu, taarsigassarsiatullu akilersueriaatsitut ukiuni qulini taarsersorlugit inaarneqassallutik 3 %-inik ernialerlugit taarsigassarsiat siullermik akilerneqarnerisa nalaanni diskonto ilanngullugu. Taarsigassarsiat piffissami ernialerneqannginneranni akilersorneqannginnerannilu akinut iluarsiivigineqartassanngillat.

b) Pisortanit taarsigassarsiat inaarlugit akilersorneqassapput aningaasat nalinginut tamakkiisutut. Imaappoq akinut iluarsiiisoqassanngilaq.

Siunnersorneqarnermut, eqqartuussissuserisumut, piginnilernermet uppenarsaatinut, papiaqqanut nalilinnut, naqissusiinermut allanullu atatillugu aningaasartuutaasinnaasut piginnilersussat namminneerlutik akiligassarissavaat.

Piginneqataasut ataasiakkaat pisortat sulianik suliarinninnermut aningaasartuutaasa matususerneqarnissaannut 100.000 kr.-it tikillugit qularnaveeqqusseeqquneqarsinnaapput, allanngortiterinissaq pissanngikkaluarpat.

Nr. 9.

Taamaalilluni nr. 8-mi piginneqatigiilluni inissiaatinut nutaanut taarsigassarsisitsisarneq imaluunniit 10/40/50 atorlugu sanaartornerit naapertorlugit piginneqatigiilluni inissiaatit

Ilangussaq 2, oqaasertaliussat

allangortinneqarnerisa kingunerisaannik iluanaarutit atorneqarnissaannut Naalakkersuisut piginnaassusilerneqarput.

Nr. 10.

Naalakkersuisut piginnaatinneqarput qinnuteqareermikkut illuliortiternernut nuttarnersitsiniarluni suliniutinut ilaallutik sananeqartunut kommuninut taarsigassarsisitsinissamik neriorsuuteqarnissamut.

Kontomut pingaarnermut 89.72.21-mut Boligstøtte, nutarterinissamut immikkullu aserfallatsaaliinissamut taarsigassarsisitsineq

Nr. 1.

Naalakkersuisut piginnaatinneqarput ukiumi aningaasanut inatsiseqarfiusumi taassumalu avataani ukununnga taarsigassarsisitsinissamut:

- Illut boligstøtte atorlugu sanaat iluarsaannerannut pitsanngorsarnerannullu
- Nammineerluni illuliat iluarsaannerannut, pitsanngorsarnerannut allilernerannullu
- piginnittut nikinneranni iluarsaanneranut aamma
- piginnittut allangornagit boligstøtti atorlugu illuliat iluarsarnerannut pitsanngorsarnerannullu, aamma
- sanasut nammineerluni illuliani toqqammaviliaannut innaallagissamullu atanilersuinerannut.

Nr. 2.

Naalakkersuisut piginnaatinneqarput ukiup aningaasanut inatsiseqarfiusup iluani, taamatullu Inatsisartut Aningaasaqarnermut ataatsimiititaliaannut ilisimatitsissuteqarnermikkut, kontop pingaarnernup matumani pineqartup aamma kontop pingaarnernup 87.72.23-p Inissiliortiternermut tapersiissutit, iluarsaassinissamut tapiissutit, akornanni aningaasaliisutinik nikisiterisinnaanissaminnik.

Nr. 3.

Naalakkersuisut piginnaatinneqarput konto pingaarneq tamaat isigalugu Aningaasaqarnermut ataatsimiititaliamut ilisimatitsissuteqarnermikkut 10,0 mio. kr.-it pallillugit neriorsuuteqarnissaminnut.

	AI 2007	M 2008	Katillugit
Aningaasaliissutit/ killiliussat	5,0	5,0	10,0